

范氏家乘

左編

卷二十二

碑記錄 二百二十五頁

254
4411
17

公堂記

進士第奉政大夫雲南按察僉事前吏

刑工三部郎官國子五經

泐撰 賜進士第前吏部文選清吏司員

外郎翰林院庶吉士太原王毅祥篆 蘇

州府學生沈庭訓謹書

三公堂者祀太師徐國公夢齡唐國公贊時周國

公墉也周為文正公之考而唐為王考徐為皇考

云按祭法有虞氏禘黃帝而郊嚳祖顓頊而宗堯

夏廸殷周更立而不變三公堂所由始也粵若我  
世宗嗣位之初尊師重道稽古禮文首勅天下建  
啟聖祠於學宮上祀孔子父叔梁紇大哉聖人之  
制作炳越千古矣夫爲子者居以王者之庭享以  
王者之祭爲其父者曾不得妥以專祠薦以一牢  
豈人情乎禮曰天尊而不親然人思事之者以其  
有生物之功也况毓靈蒼際誕生玄聖與斯民立  
命者乎范乘載三公者或仕爲節度判官或檢校  
少府或掌管書記皆著有勞績以曾孫之貴追膺

封典文正功德弘茂獨茂當時而宋室湛恩汪濊  
報亦隆矣范氏忠烈廟在吳縣德鄉讓原笏林之  
陽墟墓在焉而三公祔諸寢室郡城義澤莊亦止  
及文正而三公故缺也迨侍御史洛陽溫公如璋  
持節按吳周爰展視仁率義起令於祠後創建三  
公之堂檄下郡丞茶陵龍公慶雲經理其事亡何  
以瓜代去繼爲董公堯封亦洛陽人也至則亟覈  
祠工更議坊制矣先是邑司以時詘財殫頗艱厥  
任適鉅家徐姓者誤扞憲網恥受汙名請以金贖

聽輸工所官第籍記之梓材旣集匠作斯興驅運  
之勞不擾於鄉呀呻之聲無驚於市地素窪塹城  
而平者肅坻數級筵堂三楹峻而垣墉翼而廓序  
巍而綽楔飾以丹堊圖以雲藻蛇螭飛革煌煌奕  
奕工若浩繁再朞而畢兩侍御之令迅於風霆丞  
一人之力神於不日矣三公者肖像於中旁以將  
作監純佑許國忠宣公純仁恭獻公資政學士純  
禮龍圖直學士純粹配焉濟美五世禋祀一堂由  
是衣冠之賓虔奔式路來躋其堂爲父祖者詒謀

是思爲子孫者繩武是媿過其門者雖或細流釋  
負弛擔徘徊顧瞻咨嗟歎息乃知憂樂之遺忠貞  
之報百世不斬若此范公可爲而人顧不爲哉此  
觀風者之績也司勳氏曰余觀茲堂之成而有感  
於大道之公懿德之好矣夫闡崇先賢佑啟後人  
激世範俗非御史不能仰承德意恪供厥職非有  
司不能上或宣令下或怠事有舉之而中廢者矣  
前人美意後人惡其不出於己也將有其始而多  
不克終者矣堂之成亦幸而遇其人雖文正功德

之感人協恭同好而玄貺默啟其三公在天之靈  
哉范氏乃更立主堂右以祀溫董及龍不忘報德  
亦禮也爲是舉者公十六世守祠孫縣學生以益  
偕其兄主奉惟立請於當路移書太僕卿惟一祠  
部郎惟丕從外交贊云落成之日告於巡撫都御  
史莆陽林公潤公嘉樂之亦爲捐金以畢餘工時  
兵憲爲南皮湯公賓郡守爲廣平蔡公國熙郡丞  
爲上虞金公柱涇陽張公雲鸞浮梁吳公宗吉節  
推長沙龍公光吳邑令漳浦魏公體明繼至者郡

尉番禺招公夢賢孝豐吳公維京長洲令新昌李  
公若愚也敏以從事者蘇衛經歷虞興舜長洲縣  
丞楊榮也並勒於石用戢恩私昭示來裔隆慶二  
年戊辰春二月望日記  
提管世孫善耘

主計世孫惟新督鐫



重建先憂閣記

皇甫汭撰

待御邵君陞以萬厯甲戌奉命來按江左賦政宣  
教之暇展謁宋文正范公祠手撰奠文雖延年之  
祭三閭僧達之告光祿辭莫能過焉乃復度材鳩  
工葺其堂宇詢先憂之閣歲久傾圯鞠爲茂草歎  
曰舉之其可廢乎亟令新之交疏虹帶峻棟輦飛  
偉哉麗構矣裔孫太僕卿惟一請予記之曰昔漢  
帝幸魯禋祀孔庭唐高如亳聿崇冊廟是以過首

陽者興慨于孤竹游大梁者佇想於夷門秩祀景  
賢省方之事也矧文正性稟忠貞論根仁義利存  
國家功施社稷族黨悉周晏嬰不隱君賜匈奴未  
滅去病無以家爲富鄭公之銘歐文忠之碑具載  
可考見也繇衷之言摠于斯記彼謂巴陵之勝在  
于洞庭此名具區之藪雄亦相埒風雨烟霞之狀  
江湖廊廟之思公惟吾君吾民是憂太卿懼無以  
播德揚芬墜先烈而隕其家聲爲子孫憂侍御雍  
熙之朝遇聖哲之主殆無所用其憂者而曠世相

感胡無聞風興起以繼公者乎豈持憲者之未及  
化道歟吳人大砥行淬躬咸憂罔以副侍御之望  
而惴惴焉斯閣也匪徒登眺游觀而已此侍御邵  
公之績也使郡人劉贄書 賜進士第大中大夫

浙江布政使司左參政郡人劉衍祚篆額

洛中舊有文正公祠其建置沿革誌悉之矣余戊

重修河南范文正公祠堂記

賜進士第文林郎河南府推官臨清周易

撰 賜進士第中憲大夫山東按察使司

副使郡人劉贄書 賜進士第大中大夫

浙江布政使司左參政郡人劉衍祚篆額

洛中舊有文正公祠其建置沿革誌悉之矣余戊

辰登第初授河南府理刑冬仲月朔蒞任越六日

宿汴城公署中夜分時夢戴幘頭著紅袍者來詣

余詰守門者而問焉其吏應曰范文正公也余忽

覺而異之已巳春西塘後峯二公祖枉駕寅賓館  
告余曰文正祠之欲修久矣昔余輩未第時曾共  
董李生攜曹生滋蔡生承珮張生謳肄業於中往  
歲呈守道澧泉董公祖府中新所張公祖俱有捐  
特因循未舉也幸卒成之何如余一聞其言默然  
自驚曰前日之夢不偶哉文正公其諒余之可寄  
以興斯役也而來歟迺首捐俸金數星卜日飭材  
委主簿董子鳩工而肯構焉其令尹復新鮑子雅  
有同志亦捐俸補助之堂宇圯壞者隨卽改築後

起仰止亭俯睇龍門遙瞻嵩少河山形勝畢收一  
覽之中祠遂煥然一新矣祠前有井昔冲菴翁做  
秀才時所鑿以便一方之用鄉民日食寒泉之利  
翁之陰德泯然無聞余復構亭於上題其扁曰劉  
公井俾知享其利者知所自云工俱告竣西塘後  
峯二公命余言記之余辱舊治門下知二公之家  
世獨詳敢以不文辭乎竊惟士君子立身於天地  
間其建功樹業當垂無疆之休故天之報施善人  
奕世顯榮必有無窮之澤冲菴公振鐸平順雲巖

公出守真定二公雖誦於下位其學問淵源行誼  
卓越素推重於鄉評視文正公何媿焉故西塘後  
峯聯登甲第並司樞要况二公之弟行疇辛酉鶚  
薦慎庚午發解諸子之在黌宮者蜚英馳譽詵詵  
然綿昌大之祚膺福祉之慶者猶未艾也視忠宣  
兄弟之貴顯又何讓焉天人福善之機余於二劉  
氏信之深矣鄉人升斯堂而登斯亭者寧不感發  
而興起乎故茲舉也在二公謂之顯其親在小民  
謂之樂其利在余謂之尚其賢固一時之盛事也

若文正之德業文章著在史冊者尤詳余奚容贅  
特紀今日之事以見公之精神感名流行於宇宙  
者不朽而祠之興廢恢弘顧有所待而然也故姑  
爲之記云隆慶五年辛未孟春吉日立石



文正公石像碑亭記

十六世孫大中大夫南京太僕寺卿惟一

謹撰

惟一謹按譜集宋宣和間慶帥宇文虛中奏建先  
文正祠于慶陽賜額忠烈廟刻公像于廟中迨紹  
興失秦隴慶地隔絕因建廟吳邑天平山白雲寺  
之右仍名忠烈曾孫開國男直方摹勒所藏慶陽  
碑本置白雲寺卽今天平山忠烈廟是也咸淳十  
年蘇守潛公說友復奏建專祠于郡城八世孫文

英又募刻公像嵌祠壁則在勝國至正間迄今將  
三百年矣今年首夏督學柱史虬峰謝公校士崑  
山事竣道吳門上謁先師孔子于郡學特造先文  
正公祠禮焉因見像列壁中謂非嚴事之道屬吳  
令高公應聘建亭奉像茲已落成惟一仰惟柱史  
崇重先賢興舉曠典蓋與文正同志合道而高令  
庀治惟謹其誠亦知政所先矣乃爲敘次其畧以  
詒後之子孫云萬曆元年十一月長至日記

重脩文正書院記

二 年 賜進士通議大夫南京太常寺卿前禮科  
給事中山東提學副使太僕寺少卿南京  
鴻臚太僕光祿三寺卿奏准致仕奉詔進  
階正議大夫資治尹長洲袁洪愈謹撰  
吳 鄉後學陳爾見謹書并篆額

文正公祠故義宅也范氏自唐以來世居此矣公  
既置義田義莊以贍其族之人又葺故居而拓之  
以出納其莊之所收以居族之無家者名曰義宅

推先世之德詒永久之謀焉子孫嗣守不廢雖中  
更散亂遺澤依然咸淳間潛說友守平江以公德  
業之盛宜百世祀請建專祠於宅之東至正間守  
吳秉彝奏改爲書院迨我皇朝開大明神大化勸  
學修禮崇古上賢以風四方祀典既定又卽書院  
爲祠而公私時祭子孫會食因以爲常祠久不無  
頽敝倣則葺葺者凡幾而壯麗爲難今皇上萬厯  
二年御史餘姚邵公選自館閣代巡江南所至咨  
諏政務攸先民何以格心俗何以返古謁公祠下

慨焉廟貌之弗稱無以樹之風聲若痾瘵厥躬乃  
謀之藩臬檄郡庀工一大脩治資以罰鍰郡守成  
安吳公承休忠事命吳邑魏丞正參董厥工經始  
迄落成凡五閱月先是御史溫公如璋按吳議建  
三太師堂於公祠之北樹緯楔於祠南溫公復命  
奉行者急於苟完地未堅平材多狃瘠無幾何時  
艱飢彫剝黝昧弗莊羣情靡寧至是重檻巨棟高  
扉邃龕神靈攸妥罔不尊嚴前後堂宇門廡周垣  
墜茨丹雘罔不精整徹舊而增新則坊石堅貞宮

牆赫奕建先憂閣於祠左與歲寒堂對峙蒼白相  
準神氣固完不煩府庫不疲民力而績效倍常矣  
三年七月癸卯御史率司屬陳牲虔祀告於祠文  
辭深厚燦如也洪愈密邇公祠樂聞盛典秉誠晨  
詣佇公之門怡然高望而遠志焉拜公之像黯然  
沈思而內愧焉作而歎曰嗟乎自古傑士名流豈  
少哉當時則榮沒則已焉偉烈休聲震耀千古直  
與泰伯子游相等埒惟公一人而已豈非禮義之  
宗盟道學之師範邪蓋嘗以先憂後樂揣公之心

公何好憂而惡樂如此哉伊尹曰予弗克俾厥居  
惟堯舜其心愧恥若撻於市一夫不獲時予之辜  
夫曰愧恥曰予辜其能勿憂乎公之心事固如此  
或以公當盛世而常不忘憂此不知公者也世必  
時雍迓衡然後可以言盛真仁時可遽許乎卽公  
所爲不合於時者皆不得已也公所見惟理所存  
惟理所言所行惟理公故不得大用於時然當時  
君臣固已愧悔恨惜矣後人之思慕景仰而崇奉  
久且益篤豈不以理根於心其天有不死者乎吾

濟山先生集卷之三  
三  
儕讀聖賢書餐君之粟藉慶於前人而樂利憂窮  
懵然於理者皆公之罪人也公嘗有言吾儒之職  
舍先王之經則茫乎無從矣奚暇學人之巧失其  
故步但惟精惟一死生以之此公之學術生平所  
以自立也學不通經無以致用而立志者學之基  
也讀書刻厲數年長山數年學舍不解衣不嘗肉  
不窺寶藏不觀法駕大通六經而後出而有爲學  
者之志能有如公者乎希賢在我可以深省矣夫  
善治者繩人以法不若化人以道喻人以言不若



感人以心執樞要揚芳風因人心之自然而鼓舞  
之不待戶說以眇論而天下化此知治之本者也  
邵公此舉得之矣時藩叅臨川舒公督儲憲副永  
嘉王公飭兵協心同德樂觀厥成吳公奉職循理  
治平稱最夙辦於此無難也魏丞雅敬先賢奉公  
竣事亦可嘉矣文正公十六世孫太僕卿惟一念  
祖紹烈創謨傑構主奉御醫惟立守祀庠生以益  
十七世孫鄉進士允謙皆殫慮葳材共底厥績不  
可以弗識也邵公名陞舒公名化王公名叔杲吳

公名善言皆以進士高第爲聖朝名臣亦一時之  
隆際也洪愈淺聞不能究宣受命吳公辭之弗獲  
謹書此以爲記

重修文正書院記

賜進士出身中憲大夫浙江提學副使文

正十六世孫惟一謹撰

先文正公在當時凡宦遊所至各有祠而吳爲公  
鄉郡宋咸淳甲戌潛公說友守郡請於朝卽公義  
宅之左建祠祠公而撥田以供祀事至正丙戌郡  
守吳公秉彝以書院易祠額而承務郎李祁記之  
大都謂公功被當年澤流後世未易殫舉惟是首  
請天下郡縣建學捐已地建郡學授橫渠中庸延

安定太學有功名教啟宋道學之源蓋祖紫陽之  
論云入我明宣德甲寅郡守况公鍾成化丙戌巡  
撫劉公孜辛丑巡按劉公魁先後葺修之歲久漸  
圯且祠南岸地昂林木聳鬱堪輿家每言祠痺不  
稱法宜加崇以昌後胤嘉靖甲子侍御洛陽溫公  
如璋按吳是年冬惟一以浙臬使入覲謁公郡臺  
言之公忻然諾行郡於祠後築坻數級建三公堂  
五楹祠公皇考徐國王考唐國考周國視公祠特  
峻起以應堪輿家之言而郡丞龍君慶雲經理其

事請以公四子將作監簿純佑許國忠宣公純仁  
資政殿學士恭獻公純禮龍圖閣學士純粹配享  
左右皆所謂禮以義起者也巳董公堯封代按至  
與溫公同邑合志復樹綽楔於祠前題曰世濟忠  
直丹堊赫奕益增舊觀矣方三公堂之初議建也  
今兵憲永嘉王公叔杲時以海虞令治行高被召  
未行溫院檄公覈之公議工直若干會吳尹秦君  
崢議與公不合故縮其直以苟完塞命堂旣崇敞  
而梓材不勝任以故不三四年堂且就傾惟一與

諸宗人方憂皇之顧計未能舉也今侍御餘姚邵  
公陞奉天子命代巡江南謁公祠而嘆曰予責哉  
廼謀諸糧道大參舒公化兵憲王公郡守吳公善  
言委吳邑丞魏正參督修之自祠徂堂自門及廡  
工材並飭堂加四壁輦以陶埴轉傾爲堅易故以  
新先年武功伯徐公有貞所題祠左右文正義澤  
二坊亦咸整治采繪炳然又於祠左建先憂閣三  
楹森出雲漢之上祠前臨河圍以石闌南岸列之  
照屏以障林木蓋自有祠以來歷四五百年而祠

之制乃大備于今日魏丞祇命恒宿祠中兩道暨  
郡侯時程省之工凡四閱月而竣直取贖金工從  
傭役廛市無驚氓黎不擾侍御之威令道府之襄  
勞豈非交相贊者哉七月癸卯侍御自製文祭文  
正公以告成事畧曰陛也踐公之鄉景行懿軌新  
公之祠敬陳奠饋期與百僚準公爲標各修職業  
以翊聖朝嗟乎侍御固抱先憂之志與文正曠世  
而相感者哉乃惟一讀是文不覺感而泣下因對  
宗人諸長老言惟一向烈士林回翔且久無所建

立竟免以歸慙負先憂之訓多矣今侍御功德我  
范氏甚大當爲立主與潛况溫董諸公並祀祠中  
以無忘報德且以諂後之子孫庶幾聞而興起不  
致如惟一之徒貽悔於噬臍也諸長老曰是是因  
命敘記以鑱於石



范文正公像記

盱眙江馮渠撰

余髫歲則喜先生所爲岳陽樓記每讀廟廊之上  
則憂其民江湖之上則憂其君輒浩歌再三擊節  
絕倒嘆曰節概雄偉有宋一代固希違哉倘天祚  
宋如先生者數輩後先匡振國紀治體當不至蕪  
靡若是客歲鹽使者命監眎濬泰州十場諸河至  
東臺路人指先生所築坡堰故蹟慨然感河流代  
遷築者代繼胡獨口先生不能忘哉遂造先生祠

下隻雞辦香而拜之茲春以興東北多亢土又濱  
江潮數數爲菑爲經營疏諸河故道築巨閘于要  
口以瀦其去倭盜民前後歸耕者百十餘人艷其  
事者欲擬跡于先生余悚然未之許也爲書以謝  
之有敢云濬築追前事祇爲隄防恐後時工成漫  
自多誇詡廊廟江湖耐可思之句余于先生蓋向  
慕之殷也秋八月移治先生之鄉謁祠下見先生  
之像頽焉蕪蔓中亟命治之覆之以亭先生之嗣  
孫以益請記之余惟先生一憂一喜不以一已君

民是念萬物爲體是心也觸之卽發發之卽真起于無倚應于無爲故百世之後讀其文章想其行事猶有餘慕何也人之有心自開闢以至于今中間聖賢與吾心曾無少異惟人以俗志奪之卽有志者又未免以純襍半焉倘能去其俗者襍者常俾吾之觸焉卽發發焉卽真起乎無倚應乎無爲之心流貫于天地萬物之間卽古今聖賢蓋有不必履其故疆瞻其遺像而可以爲吾之向慕景趨者多矣豈獨先生哉豈獨先生哉

重修文正書院記

士賢賜進士出身資政大夫太子少保禮部尚  
書兼翰林院學士經筵講官國史副總裁  
予告三賜存問歲給夫廩華亭後學陸樹  
聲撰時年九十有六  
皇明任子中憲大  
夫湖廣漢陽府知府華亭孫克弘謹書并  
篆額  
守祠生員范以益立石

萬曆甲辰御史馬君奉命按視吳中與賢軌俗率  
先風化乃首謁范文正公先生于故祠仰視榱棟

旁周門廡咸摧圮不治迺喟然愴歎與郡守李侯  
謀所以新公祠者於是陶甓度材不半期而告成  
公十七代孫主奉太學生允觀十八代孫諸生必  
溶率族之子姓再拜徵予文爲記用副御史君表  
章先賢鉅典予惟公事蹟載在宋史若歐陽公神  
道碑考亭名臣錄不啻詳矣予耄謝筆研久則烏  
能記公獨念公少而孤貧塊處一室饘粥不贍進  
士釋褐鬻馬徒步而歸及爲執政焚黃姑蘇僅搜  
庫絹以散親戚閭里知舊小有俸餘捐置義田南

園數畝地又推之以建郡學度公平生殆未嘗享  
有一日士大夫之奉者夫同一吳耳當時士大夫  
良田美宅與其人轉盼俱盡卽其人亡其姓名存  
誰復爲之禮一瓣香薦一杯水者而公之祠至今  
獨存百世而後御史又相與撤蠹而更新之則士  
大夫不當以此易彼明矣公爲將相時邠慶二州  
之民與屬羗皆畫像生祠祀公及卒羗曾數百哭  
如父齋三日而去祠滿海內一祠又何足爲公重  
輕特以吳故鄉父老邱壟所在子孫旅食於義田

者歌哭祠下公其賁然而來思乎未可知也吳中  
祀典最著者泰伯子游暨公而三公遜田瞻族舍  
宅建學有泰伯之心以春秋授孫明復以中庸授  
張橫渠又延胡安定入太學爲諸生師濬發道脉  
于濂洛關陝之前其功又與子游學道相表裏豈  
若鄉先生沒而祭於社者等乎御史特新公祠蓋  
推本公爲宋儒理學淵源之祖使吳人以公重吳  
俗亦以公厚凡士大夫有意收恤其族人而加禮  
於學校者過公之祠或尙有興起焉是不可以無

記御史名從聘靈壽人郡侯名右諫豐城人並已  
丑進士而贊成其事者公十七代孫乙未進士今  
滇中學憲允臨也例得附書



金山衛建文正公祠碑記

賜進士出身文林郎知常熟縣事長水譚  
昌言撰  
十七世孫允臨篆額并書

嘗稽往牘若越王之念蠡文公之念子推伍子胥  
之念江上丈人彼非有血脉淵源之派則啣德慕  
義精相注而神相馳也以今睹於揮使范公允夫  
念其先祖文正公於數百年之後迺首倡議而創  
祠以祀此其精神所嚮往至深遠已古今人豈不  
相及哉公之肩子揮使君必忠以治兵與余共事

海虞恂恂惟謹且誠不敢自戾於度以逃官謗以

辱我先文正以負家大人之明訓迺從容述尋君

揮使公祠文正之始末而祈余記蓋公文正

代孫國朝有高祖廷玉以吳縣廩生教諭密雲故

於宦次子天祐獲軍功擢指揮同知世官永清左

衛迄天順己卯始調金山金山去蘇郡三百里而

遙文正祠堂向建於蘇郡學宮左羣族之子弟崇

祀之至今獨公以道阻故每不得展謁奉蒸嘗心

實惻然日報本反始自昔重之高山仰止情何能

已遂具專祠之議請於當路當路以爲可於是度  
廣基聚材鳩工始於癸卯歲孟秋成於甲辰年季  
夏廣雷延蔭衡欄擁衛堂宇翔矯牖戶通潔翼翼  
然寢廟聿新矣事旣竣公率其子暨族人拜而祭  
焉海濱之人圜集而觀焉斯時也念先憂後樂之  
懷則恢狹小爲廣大可以勸志念青天白日之心  
則變闇沕爲光明可以勸德念破膽寒心之頌則  
振巽慝爲威武可以勸忠章縫念之而檢不渝編  
毗念之而樸不鑿萃渙合離移風易俗厚之道也

教之始也豈直修祀禮伸孝思云哉嗟乎維水有源其流斯遠維木有本其枝斯蕃迺所以培植而疏濬之者人也周公肇封東魯一以親親爲亟遄遄追念文王且上而追念后稷無忘本始以故開業傳世侯封千載視他國獨綿長不已輓近士大夫紆朱懷金勢雄閭里以異馬宅第相矜耀而尊祖敬宗周黨睦族之禮闕焉弗講以希保世滋大庸可冀乎若公者篤赤木之忱敦親愛之誼迹邁流俗躬持古道其爲子孫衍餘慶可知也固樂爲

之記俾勒於石以俟後之人有所鏡而念焉萬厯

三十二年六月吉日記

重脩泮聖文正書院記

編脩馮夢禎撰

宋范文正公學術則爲純儒立朝事業則爲純臣  
垂範子孫則爲賢祖宗而師表百世則爲殊絕人  
物公故吳人也少遭閔凶流移轉徙以致顯達故  
京維齊魯間皆有公名迹旣貴復歸吳故公廟祠  
遍於南北吳中尤盛公之一言一行遺風餘烈無  
論士大夫爭爲傳述卽婦人女子具能言之故其  
廟祠所在卽至衰歇化爲荒烟野火而士大夫好

古嗜義者輒能飾而新之以樹世教蓋不獨愛人  
思樹秉彝好德之心不可泯沒而公之風烈精神  
實有以鼓之矣公嘗讀書濟南之長白山中其臥  
起游歷處至今遺踪彷彿可睹民部郎權關王公  
者濟南之新城人也少嘗挈子弟讀書其處稟仰  
風流追玩遺跡依依不能釋去旣貴宦游又得蒞  
公之里其於公似有夙緣以故樂新公祠澣墅隔  
水廣福庵之左故有文正公祠王公初至修謁見  
其堂宇頽然階下雜沓心動而未敢言會學使范

長倩相見語及祠之所以頽紊狀詞色慘然而以  
重修爲托王公唯唯其明年乙巳乃偕承祀范生  
允恒按行其處則知爲守祠宗人彥倫者挈其內  
姻沈某同居沈又挈其姻黨擅造私房橫塞神路  
其他匹居羣處者尚纍纍也王公繩以三尺逐之  
他徙選耆民二董役始新正堂添造兩廡繪公遺  
跡又添儀門以分內外杜塞旁竇外爲大門門左  
右以居奉香火者餘俱嚴禁凡以工計者若干爲  
費若干祠旣成當樹之碑以識成功詔不朽而范



生允恒者故嘗與余有筆硯之舊乃令爲介以記  
請夫古之君子先成民而後致力於神以余所聞  
王公初至念近歲取民無藝所征料額外例溢加  
一亟令損之及額而止關南蘇松杭嘉湖五郡興  
販小商船叩關者向入科稅今一切蠲除商民咸  
德之積有羨餘以待公用報之兩臺使者不入私  
橐蓋王公之所以成民者至矣而後斥其餘力以  
飾先賢祠宇合萬姓之驩以申馨香之薦文正公  
在天之靈寧不亟享之故吾謂惟有王公之稱職

而其崇祀先賢爲可稱也若其職業之墮棄民力  
之不存私橐之是營而欲以媚神瀆祀託先賢以  
文其短神之聰明正直寧不吐之何以稱焉又嘗  
論之君子之澤及子孫者雖至遠不過五世十世  
而其風之被於天下及後世者每至於無窮卽如  
文正之祠圯之毀之乃其典香火之子孫而修復  
飭新者則風馬牛不相及之齊魯縉紳也是故君  
子之修身善世亦慎所以風之者而已至以先祠  
爲急白之當道以綿其世澤如長倩學使及允恒



鄧州重修臨湍書院記

王聘撰

鄧治內城外西南隅舊有書院一所扁曰臨湍蓋  
分守汝南大參劉公毀淫祠而初置之而成之者  
則賢守鴈門張公定之力也內豎祠三間曰三君  
子祠祀韓寇范三君子也前爲大堂三間題曰仰  
德堂仰三君子之德也左右兩翼共精舍若干則  
爲仰德者藏修游息之處月臺甬道之南高起書  
樓迥出雲表其外則洞闢重門堂之右豎生祠凡

有遺愛鄧民者皆設主於中歲時薦獻外爲社學  
端一方之蒙養則前守高要潘公之創建也歲久  
圯頽幾於丘墟者三十餘年郡守趙公一日進諸  
生而示之曰是地也爲三君子棲神之處又章縫  
輩呶呶之所是守土之責也於是捐俸鳩工經始  
於辛亥之春落成於朱明之季工雖起於重修費  
寔侔於創建依然闔郡一巨觀也夫鄧當繁劇之  
衝而公之爲國爲民方且日不暇給而乃汲汲於  
此意果何居惟公想三君子之於已其學術同心

術同及發之事業其光明後偉又同是以若是其  
汲汲也詩曰惟其有之是以似之其我公之謂乎  
嗣是而表揚功德且與三君子先後而有光矣公  
諱沛字懋霖晉寧世家

修築范公隄碑記

賜進士第奉訓大夫吏部稽勲清吏司員

外郎范鳳翼撰

范公隄者宋范文正公希文築以捍海者也故名捍海隄一名范公隄云按隄爲唐黜陟使李寶所創至宋而圯天聖間文正公監西溪鹽倉白之轉運使請於朝調夫四萬餘修築之所費帑金稱是遂使緣海瀉鹵之區化爲沃壤誠百世利也顧一遇颶風怒濤隄輒崩潰民悉爲魚無問禾稼及鹽

課矣自宋迄今修廢不一修則民戶亭戶並享其  
利否則害其效甚著遠者無論萬厯壬子海溢堤  
敗被毒尤慘亦嘗稍爲修葺然不過苟且塞責徇  
一時之安而已今又三十餘年崩圯益甚民竈苦  
之嗷使者謝公按部海上覩堤廢缺狀而歎曰夫  
堤民所恃命而國賦所由出也乃任其頽壞而不  
思爲之所巡行者之謂何乃下教兵憲熊公其亟  
修治之於是熊公乃命掘港都司管君職咨度兼  
議工餼以土計工以工計食自呂四場至廖角嘴



則通州分司嚴君職之自安豐場至廟灣則泰州  
分司尹君職之又命四材官職催督四縣令職給  
散而管君又分其身於分司縣令之間以監督而  
鼓舞之以故人無匿力工無暇晷不旬月而堤屹  
然儼若長城卽有風濤無能爲害民竈怵舞咸樂  
更生管君乃詣山中屬余記其事於石以示永永  
余惟並海諸州邑及諸鹽場時有潮患非吾家文  
正公堤之幾無民矣夫文正公之勲業赫然於西  
睡人皆知之而不知其功於東海復若此其偉也

名人鉅公身到處卽爲恩固如此謝公風采奕奕  
著臺中按鹺兩淮蠹弊若掃熊公備兵吾郡六年  
察吏治而核兵戎恤民瘼而懲豪猾業不遺餘力  
而復成此偉功兩公者其殆今之文正公也哉又  
按宋史河渠書堤白范公後浸失修治宣和紹興  
以來時復衝決淪沒流殍慘不可言每一修築必  
請朝廷大興工役然後可辦乃兩公不捐少府金  
錢不煩閭左供億而爲海上造此百世無窮之福  
且以地計可千里而縮以金計僅三千一百而贏

抑何事半而功倍若此耶則以委托得人經畫有  
法耳異時兩公勲業與文正公並耀史冊而茲亦  
其一也故不揆謏陋而樂記之後來者無忘桑土  
無忽蟻穴歲增而月培之庶幾不墜兩公之緒哉  
謝公名正蒙廣東惠來人熊公名尚文豫章之豐  
城人諸與有勞者其姓名具列碑陰時萬曆乙卯  
閏八月下澣

重修淮揚范公隄碑記

范公賜進士出身資德大夫正治上卿兵部尚  
書兼都察院右副都御史賜飛魚服前都  
察院右都御史兼兵部右侍郎巡撫貴州  
兼制湖廣四川等處地方提督軍務奉詔  
歸養泰和郭子章撰

古之論水者海爲大其次江河而利患參半江河  
之水或以佐耕或以通漕白公引涇嚴安導洛而  
農利宇文廝流韋堅堰渭而漕利至瓠子興歌閭

殫爲河而河之患貽於閭海之利或以煮鹺亦或以通漕夙沙煮海管子富齊而鹽利元末張朱海輸明初因之而漕利至海濤齧隄冒民田疇而海之患貽於田予讀河渠書溝洫志等傳所以防河患者亡所不備而防海之計未之前聞及讀李壽通鑑長編泰州海堰久廢沿海潮水浸淫城下田土斥鹵不可稼穡范文正公監西溪鹽倉上書運司張公綸謂當移隄勢而西稍避其衝仍壘石以固其外迤邐如坡不與水爭乃築捍海隄於泰通

海三州境以衛民田張聞於朝以公爲興化令董  
斯役發三州夫治之旣成民享其利興化民往往  
以范爲姓又名范公隄繇宋而元詹士龍爲興化  
宰發九郡夫并力築之歷明歲久飛澇相礮激勢  
相切維揚之田半齧於鹵淺闢庸種田家作苦萬  
厯乙卯粵潮惠來謝君中吉以名柱史奉天子命  
巡鹽淮揚行役海上巡行范隄睹洪濤瀾汗萬里  
無際長波滂漉迤延兩郡乃檄觀察豐城熊君周  
遭詳視畫地分工命掘港守備管大藩督理浹月

告成會稽費二千金有奇費石二千條有奇費畚  
鍤夫十萬工有奇起自呂四場訖於廟灣場合之  
共八百里有奇天池巨壑之濱宛若長虹鵬溟鯨  
室之畔鬱焉聚窟隄以內輕土弱土之野一易再  
易之田直庇句庇利推利發之畦有遂有徑有溝  
有畛有洫有涂有澮有道有川有路卽有洪濤豈  
能飛衝卽有苦水豈能闌入易廣鹵之鄉盡爲原  
隰護确薄之地歲得耕獲微獨文正千載之遺烈  
未墜於地卽聖天子南顧淮揚之蒼赤盡登於岸

矣柱史君不遠數千里遣使函書請記其事於石  
夫猶之水也河之水奚以甘海之水奚以苦也嘗  
近取諸身吾身一小天地也腎氣沉爲前溺聚溺  
煮爲丹石味勝於鹽口水上升其甘如飴天地之  
水人身之血升者甘沉者苦類皆如是微獨海也  
河爲海支而亢於海海爲百谷王而庫於河故河  
水爲田福海水爲田菑亡足異者能福吾田者吾  
引之入能菑吾田者吾禦之外此范公隄所爲築  
於宋而謝柱史所爲支其壞其功埒矣嗟嗟范公



撐持宇宙寧止是隄鹵鹹地也天生曰鹵人生曰  
鹽鹵又北狄也習尚鹵掠名曰索虜其鹵一也止  
狄之鹵利用長城增障明埃而後荷旃披毳之酋  
不敢覷紫塞止海之鹵利用長隄砌礎堆埼而後  
蕩雲沃日之波不敢陁水維其防一也范公爲令  
時築隄如嶮塞以奠民居而護疇田昇日者摧賀  
蘭之椒破元昊之膽蓋惟能防海鹵而後能防夏  
鹵英雄偉畧自是殊尤中吉昔與予講學潮陽秀  
才時以希文自期今爲朝廷耳目爲禁中頗牧予

期中吉寧止復一捍海隄已耶柱史名正蒙字子  
聖潮州惠來縣人觀察名尚文字益中江西豐城  
縣人

重修鄧州春風閣記

王聘撰

鄧城東南隅舊有春風閣蓋宋資政殿學士范仲淹出知鄧州軍事所建其下爲百花洲創植臺池花木之勝公餘與民同樂焉罹金元兵燹之役楯陛鞠爲茂草湮沒無聞久矣至嘉靖乙卯歲浮梁張公來守是土傷今弔古謀所以復興之乃尋故址而經營慮始覆以三楹表以棹楔雖堂基粗備而鳥翬未飾遠而望之依然樓櫓睥睨狀也迄今

又六十餘年而榱桷摧殘於風雨瓦甍穿敗於蝨  
蝸鳥跡鼠穴嘯跳其間日就傾頽任凌夷焉而莫  
之省圖可惜亦可虞矣蓋東南巽位爲文明之地  
宜高聳不宜空陷形家恒言斯閣之興廢關文運  
之盛衰如叢臺崩而劍閣鮮易水涸而慷慨悲歌  
之士亦與之俱滅豈可聽其傾欹頽廢哉楚蘄夏  
公爲政愛民禮士蠲煩集事媿古循良每過其地  
輒慨然有興復之志會東方有事徵餉孔亟而未  
恤也近州民有訟無主之產於鄖臺大中丞公者

檄公訊理公廉得承受乏絕地若干畝價值若干  
金乃仰體中丞公羔羊素絲之風壽考作人之美  
請變鬻工料半修孔廟宮墻半修范相遺蹟中丞  
公稔知公才慨然俞允公捧檄而喜遂規模制度  
鳩工庀材具畚鍤而躬督焉舉昔之沒恆庫隘者  
拓之朽腐敗壞者新之飛棟簷牙穿雲掛斗一時  
登臨其上風雨晦明之象山川雲物之美無不修  
修然獻瑞呈奇一覽而畢收之閣中寧惟是稼穡  
艱難之狀市廛煩囂之情宛然眉睫足暢物我同

春之懷哉花洲上舊有祠宇郡人割之以祀希文者前與閣同建今與閣同毀公並爲葺之煥然一新焉外復剏建景范亭一楹坊一座左右堂廡各三楹爲守祠棲止庖廩地翼以樓觀門屏前濬故池引水種蓮外繚周墉雜植樹木森蔚蔭翳旦暮晴藹上下與閣相掩映居然一洲之勝槩焉工旣竣宜紀其事而簡則猥授不佞不佞竊惟希文當仁宗之朝忤執政之旨屢遭貶斥乞知遠州固全身遠害之計韜精養晦之時夫豈不知雷州之與

觀方歸襄陽之投繯再繼而顧宮室玩好留連微  
逐以自速官謗哉推公之心得無以韓富王杜歐  
陽諸君子皆社稷之臣忠君愛國之士也咸以方  
正不容而罷者罷出者出致恭儉仁恕之理一壞  
於丁王呂夏之權姦再壞於王錢之黨惡煽朋比  
之禍快一網之心一時豪傑之士俱垂首喪氣而  
去而公獨促登樞府再居要路處人所必爭之地  
行人所不便之政彼摩牙側目輩寧不喙長三尺  
哉故公謝知鄧州表云革姑息之風則謀身者切

齒尙循默之理則愛國者寒心退孤上恩進歛群  
怨其一腔熱血灑向闕庭至今讀之猶想見凜凜  
忠憤之氣冥冥鴻飛之舉因非借避賢樂聖托足  
終南之徑者也則當日徘徊閣上散步洲中其回  
首神京觸景傷懷不知爲何如矣而寧曰玩物喪  
志云爾哉嗟乎希文至今凡幾百年矣其亭閣臺  
榭不知幾經廢興於其間而公復毅然新之豈無  
謂歟語曰百世一士猶接踵焉昔任延爲會稽都  
尉先禮延陵之祠蕭允爲丞過錢清灘下修業申



蘋藻之祭蓋道有所默孚志有所潛通也公之修葺是閣亦猶是焉已矣斯役也導上德快輿情表忠良舉廢墜揭文運於中天起頑懦於百世上無追呼之煩下有子來之効一舉而衆善備焉誠不可以不書中丞公姓陳諱禹謨別號心抑浙江仁和人大夫姓夏諱忠別號孺和湖廣蘄州人善政俱別載而此不贅是爲記

重建范文穆公祠堂記

陳繼儒撰

范文穆公祠於侍御盧公雍在茶磨山北行春  
橋西有司歲時俎豆如儀而久且蕪廢自學憲范  
公允臨來遊得一穹碑於豐草藜蔓之中宋阜陵  
手書石湖宸翰歸然在焉於是始復故址而學憲  
方叱馭滇南吏事鞅掌未遑也既歸捐產五百畝  
以益義田修文正忠宣遺廟事竣乃命猶子必溶  
復建文穆公祠而從孫彌裕爲任董庀祠有重奎

堂壽櫟堂天鏡閣說虎軒玉雪坡皆新建洗別頓  
換奮觀中祀文穆公像而奉光祿少卿公惟丕鄉  
貢士公允謙左右侑食焉蓋學憲之父若兄也仰  
惟文正忠宣勲名道德彪炳於朝廷四方而崇祀  
血食於海內名山大川者何限至文穆廢祠中薦  
蘋酌水寥寥矣公以起居即使金初進國書詞氣  
慨慷俄見受書儀未稱措笏出之金主大駭左右  
標之起公屹不動太子欲殺公賴越王止之竟得

全節而歸自是名震朝野間益被上眷以至柄用

在當制寢張說之樞密在靜江疏廣州之塩錢在  
四川制置則教閱將兵築柵分戍以禦吐蕃青羗  
入犯之路西蠻三日遁逃不減籌邊李太尉而公  
且表孫松壽樊漢廣之高風容陸放翁之豪宕飲  
酒賦詩屏去苛碎露薦幕下諸才士往往通顯至  
三府而公亦拜參知政事矣大抵吳中出將入相  
惟文正忠宣文穆三人皆出范氏而以孝友嫻卹  
種種教訓其子孫其家法亦惟肖絜之祭典俱合  
豈獨以鄉先生沒而祀于鄉者比乎公帥廣及蜀

落墨未燥卽傳寫其詩歌被之樂府以及素屏團  
扇皆遍金君臣慕公名求其中幘做製之夫僻壤  
遐方之士女與侏儻鳩吾之人能企慕愛戴公如  
是而石湖爲公劍履往來之故墟顧獨委棄於山  
陬水涯問之學士大夫或不能舉其名爵姓氏幾  
於田叟樵牧等非特范氏之耻抑或三吳後學之  
耻也學憲洎必溶彌裕捐貲飭祠後行將訪刻石  
湖集一百三十六卷吳郡志二十卷與文正忠宣

哀然共成一家言其文穆之功臣孝子哉學憲登

萬曆乙未進士必溶太學生文正十七代孫彌裕  
族推賢爲文穆主鬯文正十九代孫法得書

新建河南范文正公祠記

賜進士第知洛陽縣事太原古交武攀龍

撰 縣丞傅夢祖 督工鄉約曹俊傑

宋魏國范文正公葬伊闕萬安山下其子忠宣公  
置祭田八百畝熙寧間創褒賢顯忠寺以奉香火  
然而祀事未備也自元守臣郭文鼎始請舉祀遂  
循爲常典云厥後修祠墓禁牧樵者代不乏人而  
兵革相尋荒頽日甚求其故蹟胥委之寒烟蕪草  
之間余旣建程夫子之祠於中郤先生之祠於左

復闢西偏之地爲公之祠堂使天下知公之忠義  
在朝廷勲猷在竹帛世濟厥美在累朝而祀事孔  
明在萬禩也祠旣成長平同年龐子太樸適過余  
顧謂余曰公之建茲三祠也其以表宋之大儒與  
宋之名臣也固矣第四人者時地旣不同出處亦  
各異胡鼎峙而爲三胡珠聯而若一其有意爲之  
耶抑無心合之耶豈非道德事功可一以貫之耶  
亦豈繼往開來高譚名理之人出將入相固不難  
耶又豈非先憂後樂慨然以天下爲己任者其於



聖學淵源顧未嘗無所得耶噫是其作祠之意寧  
無是耶余俛而笑抵掌而應曰有是哉相與酌酒  
祠側舉而記之石上時順治八年六月吉日

重修文正公墓道饗堂碑記

內院掌內翰林秘書院事纂脩大總裁太  
傅兼太子太師許陳國家重務大學士潘  
陽世孫文程謹撰 欽差整飭河南等處  
分巡兵備道按察司僉事陞山東布政司  
分守東兗兵備道左參議世孫承祖書  
欽差經理河南等處軍務鎮守河南開封  
歸德三府等處地方總兵官都督府都督  
僉事世孫承宗篆額

先文正宋太師魏國公薨於徐從母氏謝太夫人  
兆葬於洛陽萬安山并其子監簿公純佑忠宣公  
純仁恭獻公純禮龍圖學士公純粹以下三世皆  
附焉公做秀才時卽以天下爲己任大通六經之  
旨文章必本於仁義先天下之憂而憂後天下之  
樂而樂以名世之才致位將相正色立朝亟意尊  
主庇民歷官過化靡不繪像立祠故有泰山北斗  
景星鳳皇之詔第一流人物之稱世濟忠直有功

名教因與天下之名山大川前代之聖帝明王並

登祀典每歲上巳有司奉中牢祇祭及世代沿革  
子孫散處望白雲而仰止芳草萋萋至大中八年  
世孫國雋履其中得同知徐公景儒爲復侵地至  
正七年國俊從弟文英命其子廷方致命李君公  
平時分憲於洛率所屬奉牲帛致祭服豪猾以歸  
化而復徐君所封之故土繚以周垣樹以松楸又  
築室六楹俾趙氏隣民廬其上以守熙寧間創褒  
賢顯忠寺爲立香火正統戊申都御史陳公鑑訪  
公墓於郡守袁公錠按褒賢寺碑求其規制遺規

偕十三世孫曹縣令希正會祭葺修旣而憲副尹  
公禮按部率官僚奠拜墓下新其牆垣饗堂立門  
植柏令洛人一戶免徭役守之成化乙未十三世  
孫從規詣都憲洛陽畢公移檄河南都憲張公下  
令正其塋域禁其樵牧而一時大叅孫公伯少參  
蔡公克存副憲王公廷秀僉憲馮公景陽協力從  
修盱江何喬書其事兼製迎饗送神之歌遺子孫  
以侑牲醪弘治四年都御史徐公恪巡撫茲土慨  
然太息而藩臬守令封築一新第文章事業炳後

世之景行故誦詩讀書勤千秋之向慕惟是一坏  
之土無嫡裔守邱每致斧斤芻牧相尋不無水源  
木本之痛審處其間乃復蒙公移文召取吳中後  
裔迨明季鹿奔潢池弄警石麟臥於宿莽松韻泣  
乎秋風 大清定鼎詔凡古昔帝王先聖前賢忠  
臣祠墓毋得毀棄適余侄承祖特奉簡書分巡河  
洛未幾余姪承宗復膺寵命出鎮兩河掃墓登山  
殷思先兆時余掌事秘書院輟政居家調苓煎朮  
念先人體魄弓履瘞藏之地乃走書千里督諭兩

比兒曰汝謂承祖承宗矣顧名思義其亦何居伊  
洛瀍澗之濱祖宗之宅兆在焉荆蓁草蕪得無芟  
與牛羊樵牧得無禁與斷橋破壁得無飭與供祭  
土田得無清與守邱支庶得無盼與於是乎革明  
堂之隘陋祛斷水之湫汙擴大廈而就濃陰開繚  
垣而成直道添設耳廡昂軒星門甃兩岸以駕虹  
墾荒烟而培樹更買六尺之花蹄給人家之藁薛  
命勤于耜庸潔蘋蘩遙望蒼雲鬱嶺明月印溪依  
希夜雨青山矣而分府大參朱公衣助河南太守

甯公之鳳汝州刺史秦公耀名洛陽令葉公琪各  
捐金助役謀建華表擎天石柱以公無忝於雙槐  
華袞標題明德允馨於百世亦旣賁泉扃之光而  
錫雲仍之福矣家書報竣喜溢滋惶切余不肖叨  
承顧命參政中書未克繼先憂後樂之遺志實自  
愧出將入相之家聲乘六龍以御天慢謂經綸天  
下躋三公而媿位甘齋粥之餘休惟敦睦宗支彌  
縫衰職罔敢渝越爲家法羞或亦山靈之所鑒而  
宗祊之所格也極睇牛眠蒼蔥松柏曷勝蕙蒿之



想至其經濟文行俱載文忠公勒石非所敢及惟  
記萬安山先後修葺之由以示子若孫世守之而  
并誌諸君子之懿好如斯云順治十有三年歲次

丙申吉旦

不圖命起如中書朱克繼共憂新宋之舉志實自  
願美以文融吳家書肆勉喜盛德對財余不肖也  
幸矣社殿開新公署外百世不刊其景宋之出而  
計金也外斯載華表學天子跡以公無亦公也

修建范氏五太師祠堂碑記

賜進士第中奉大夫浙江承宣布政使司  
左布政奉敕巡視京營充殿試讀卷官前  
禮科都給事中九十五翁姚永濟撰 賜  
進士出身正治卿中奉大夫都察院左副  
都御史掌院事歷大理太僕寺卿江西承  
宣布政司右布政河南等處提刑按察司  
使分巡建南武昌兵備道參政禮科左右  
給事中奉敕巡視京營七十五翁葉有聲

書篆

名德在世其猶景星慶雲然每間世而一出出之  
也不偶而衍之也偏長顧伊萊不同族畢散非一  
家取于古上下之鳳麟萃于一門夔龍生于濟美  
鼻祖耳孫雲仍踵接如范氏立太師可易遘乎范  
自平章公以忠烈開家龍圖公以父子接武義莊  
餘澤獨在勾吳而瓜瓞綿延徧于海內大司馬濟  
溪公發祥于四百年後功在邊隅名在冊府清白  
家風照耀京雒高門之慶積有自來迨吳橋文忠

公出而黨局日分疆事日棘公出掌南樞入登揆  
席攀龍髯而勿逮卒騎箕尾而上驂節烈之風炳  
然星日顧人臣之貴尙未極也今現翁相國起風  
雲之會升華席要嵬然以開國元公銘勲熟釜遂  
得馳榮四代躋瀋溪公于文正忠宣之間可不謂  
盛遇乎又長公冑卿今爲少司農筦國計不煩仰  
屋而坐致豐豫次公覲公以終賈之年早直少籛  
日備 天子顧問名姓且卜金甌將文正忠宣之  
業曾不少讓論者謂尹陟而下世相業者惟周文

名康兩公代承芳烈今焉豐功大業璧合蟬聯國  
老帝師重光奔葉視古爲加進矣聞之功德在人  
間皆得以世食俎豆之報雲間故有唐宋忠良祠  
以祀忠宣陸公忠定李公兩公相業並足不朽今  
平章公旣追配敬輿之在唐而文正忠宣又不啻  
伯紀之在宋曠世相感軼兩而五豈不上與日月  
爭光下與江河同流也哉文正忠宣向固有祠歲  
久滋敝十九世孫太學君彌熯仰承現翁太師之

提命題述祖德南旋修葺呈請蘄郡柳公轉詳憲

徽合五太師而祠之一堂其內有後樂樓置現翁  
長生位于上因得文上臺郡縣批塘協濟而士紳  
族姓慕義如雲雲間禮義之國固宜五太師之雲  
旗風馭挾虹霓而下之凡瞻拜廟庭者豈特孝子  
慈孫篤前烈而勿諼亦將使正人君子景前徽而  
有作于以發皇一世之鼓鍾興起千秋之志業不  
端繫是與不佞濟耄矣霑被休風樂觀盛事因不  
揣而謬爲辭以載麗牲之石需其成持瓣香而祝  
之五太師其亦相顧而來歆乎凡有助者例得書

名碑陰并以識元相之錫類焉

...

...

...

...

...

...

...

重修文正書院記

賜進士出身江南江寧蘇松常鎮淮揚七  
府徐州一州承宣布政使司布政使隴干  
後學慕天顏撰

皇上御極之十有二年政教修明膏澤翔洽復念  
海疆遼阻吏或不正不馴民或不康不若兵或不  
精不束 命浙撫大中丞范公晉秩司馬摠制南  
甯靖七閩之氛褻馭六軍之戎索幅員萬里馴致  
九譯 詔書下日靡然順風曷由臻斯威名謀畧



之先路也司馬公恭膺 帝命聿念祖澤鋒車過

吳肅拜文正公義莊專祠廟貌傾圮愾嘆者久之  
爰涓俸庀材剋日修葺用有不足者 倡助以

潰于成計費二千餘緡爲時百有旬日司馬公

陞辭南下見榱桷煥然垣墉屹然堦城峩峩俎豆  
奕奕祭租之侵蝕者罔弗核義田之紊廢者罔弗  
正子弟捧槃劍者老序毛髮彬乎郁乎儼若闕里  
之衣冠禮樂司馬公顧之而後喜可知也蓋國運  
之休隆也必篤生楨幹經緯之臣以一德鼎心搆

乾綱坤維之任如天之麗日星地之亘河岳終古  
不磨無足疑者家道之發皇也必誕啟魁竒英瑋  
之器以文章事業裕燕天昌後之祥如山澤之產  
珠玉苑囿之翔麟鳳曠世再見有足多者文正爲  
宋室宗臣鎮涇原平西夏位兼將相功邁裴郭忠  
宣趾美象賢勲名等于漢之韋平而司馬公之父  
爲 本朝開國名宰相接跡華貴世掌絲綸邇復  
秉旄仗鉞又何異韓魏公之中書節制三鎮也功  
業門地一姓再興越五百載而先後合揆孚應如

響豈非史館之美譚朝野所不經觀者耶世之君子顧于此觀世道焉占天咫焉又以歌豐芑志燕喜焉我國家崇儒重道凡從祀孔子廟廷者春秋祭享無或闕遺而文正專祠每歲所司具特羊詣謁裸獻蓋文正爲理學之宗宋景祐初來典鄉郡始請立學在有宋時天下之立學自蘇郡始鄉人子弟至今負筆笈而誦詩讀書咸知先憂後樂爲可師法今日者馨香籩豆祀事孔明以家學而植風教其挽扶綱紀者大矣所謂觀世道者此也文

正諸子忠宣最著尚有監簿右丞侍郎數輩熾昌  
競爽孫之柔官左司諫修復義莊申嚴規約庶幾  
立身承家無愧乃祖者也元明以來雖代有聞人  
而極盛者恐難爲繼司馬父子際風雲之會負鼎  
鉉之隆燕翼貽謀保世滋大天道好還其信而有  
徵固如是歟所謂占天咫者此也國家之盛比隆  
三代故家喬木孟子蓋三嘆于易世况昭代之子  
孫身承景運格天浴口者乎孔子曰豐水有芑百  
世之仁也西京之金張東都之袁楊元氣蘊結士

食舊德班固之所以鋪張贊歎也觀于專祠之修  
而知之矣此邦之人與瞻盛事者相與念 國恩  
仰舊德頌豐芑而歌燕喜忠孝之心有不勃然而  
生也乎若夫尊祖敬宗收族一舉而三善備焉則  
又一家之事子姓之賢者當能詳陳爲舉世告也  
毋庸具書

康熙十二年歲次癸丑長至日記

重建廣德州范公亭記

學正王佶撰

古之有功德於民者建祠宇以妥其神壽貞珉以表其烈而又於其人之所寄託指其山川草木亭臺池沼曰此某大夫所登臨歌咏飲食教誨於斯者也相與徘徊嗟嘆而不忍去迨夫世代遷流鴻儒宦蹟往往湮沒而不傳者不可勝道豈非表彰前列者之未遇其人歟有宋范文正公其生平政績所在尸祝而考其筮仕之初實自廣德司理參

軍始州故鄣地民初不知學公拔佳士爲表率而  
文風始振又凡有疑獄輒與太守商確多所平反  
於時有亭爲公聽訟之所公去後民輒歌思亭下  
遂號爲范公亭云閱今五六百年州之人頌公遺  
澤久而不忘而亭之故址則已化爲荒煙蔓草不  
可復識矣 今天子二十有三年三韓朱公來守  
是邦下車卽首葺學宮而州治之西南有塘曰硯  
池相傳爲一州文風所繫數十年來已爲牛羊之  
所蹂躪荆榛瓦石之所填積公特爲清釐凡藩牆

之宜撤廬舍之宜正者悉復其初廣輪三

高者洼之淤者濬之閱數月而工竣於是州

大夫暨合州之民謀建范公亭於其上歲修

祀

以古人之所寄託於山光水色相輝映於無窮也

豈非盛事哉佶蘇人也文正公家世吳門捨宅爲

蘇州郡學佶髫年采芹其中久矣沐公遺澤今承

乏桐岸又值公遺愛之地高山仰止能不益深景

行之思哉自今以往池中波光如鏡并筭峯倒影

亭中一覽平收州刺史公餘之暇偕二三僚屬及



州之賢士大夫相與觴咏於斯亭以繼文正公先  
憂後樂之志倍也請從而後

...

...

...

...

...

...

重建天平山忠烈廟前堂及儀門記

徵仕郎翰林院檢討充纂脩明史官文正  
公十八世孫文正書院王奉必英敬撰

康熙二十有四年孟夏賜山忠烈廟前堂及儀門  
告成蓋庇材鳩工已六年所甚矣茲堂與門之成  
之難也粵自慶陽廟貌移建於天平之麓宋宣和  
迄今將六百載考之家乘重建者再矣其始也在  
元始祖之二十二年王斯役者爲王奉諱邦瑞提  
管諱士貴而司計諱邦翰宗遜等佐之土木丹漆

花春酒薦何如

其二

萬曆甲辰春三月之吉井陘霍鵬書

洛陽縣知縣王繼美鐫石

謁范文正公祠

范公經略安秦塞誰令祠堂建  
維都工郡甲兵稱虎旅西羗部落  
頌龍圖謠起三邊番膽破政陳  
十事帝心俞秀才天下知多少肯  
學先憂後樂無

其一

世卜邠籟是故居材稱文武豈爲  
虛知軍已薦韓琦簡對使曾焚  
元昊書名重蒼龍趨闕後功高  
白豹築城餘念我撫羗從舊議  
梨

之費咸取具於義學餘粟廟成而前朝奉大夫牟  
公獻爲之記經營者固勞矣未聞其難也其繼也  
在明英宗正統之八年是時巡撫侍郎爲廬陵周  
公忱巡按御史爲壽昌劉公甄武昌劉公仕昌錢  
塘鄭公顥知府爲李公從智以及隣封之長四方  
之人先後依助且責成於吳縣知縣葉公錫閱三  
載而廟成而吏部尚書王公直爲之記斯役也出  
於衆力尤知其非難也夫前者值元代輕賦之時  
義學方興舉不墜後者又當明盛時宦茲土者崇

重備先百廢具舉宜乎其廟之易成也今則義學  
久廢安從取粟異代賜廟亦何關於國事况乎空  
山遠道車騎罕有至焉則茲一堂一門之成也不  
較難於前人哉必英自十年前主祠事時郡城書  
院門燬於火且爲守祠者斥賣幾盡浙江巡撫忠  
貞公諱承謨者蠲金贖之復爲修整其什之五書  
院廳具規模後英繫官京師山祠復告將厭焉於  
是以義田贍族之粟委之提管可詢主計彌隆安  
上及子能洪能濬等令其鉤校畸贏積纍錙銖次

第興工猶苦不足逮英請急歸里爲會計稔知其  
難復令監簿房世孫興巖監收新租以充其費先  
後五載凡以粟易值得白金五百有奇遂撤前堂  
而新之惟石柱仍其舊較前爲樸壯又以形家言  
移儀門於石橋之南建爲五楹以兩夾室庥舊碑  
而池北周以石欄子孫瞻拜之地尤弘敞爲費復  
百餘金許是雖一堂與門其成之之難如此烏可  
以不記乎或曰記當及於廟之成是舉不已遽乎

英應之曰五年間義田再遭凶荒子孫共蠲升斗

以襄厥成且董之者興巖勞苦爲多尤不可沒也  
若夫竭其心力以竣厥工實英之責他日廟成自  
有當代名公鉅卿豐碑深刻如牟王二公者英也  
何足言記乎惟是後人之覩斯堂者勿視爲元明  
兩代之易而忘今日經營之苦是則英之志也夫  
賜山舊葬文正公高祖麗水府君曾祖考徐國  
公祖考唐國公考周國公及孫子儀公并諸子  
姓有功義莊者其墓道歲久漸淪於莽因令興  
巖培土立石以識之會與廟工同時並舉附勒





重修支硎山范文正公祠堂記

宗伯韓菴撰

范文正公祠被海內矣其崇祀吳中者於城則有文正書院於天平賜山則有忠烈廟皆國典也其建於支硎山觀音寺者則以公之祖墓在賜山山有白雲菴公奏爲功德寺賜額曰白雲禪寺而觀音寺爲白雲子院皆爲范氏香火院故祠公於寺中不忘本也而白雲頽廢久難驟議鼎新文正祠亦卽于圯其賢裔檢討謀所以新之爲墜茨爲丹

麓門闔靚深堂廡言言雖無寢殿庖庫之設而規模亦高廣堅壯周而覽之環祠皆山山之蒼翠異狀巔崖詭形若挾光景而薄星辰至於村廬藂落樹陰晻曖游客復輿隱見絕續者皆出于几席之下則信乎檢討公之能紹聞衣言以崇其祖如此也其繼此而時爲修除者在賢子孫自能善承檢討公之志也况香火院向以所入信施歲分爲修祠脩而以其羨歸頽廢之白雲俾營葺丈室留爲名山不絕如線之遺而檢討公之終始圖維期於

永久以庶幾前業之勿墜者又倍有苦心歟祠成  
請記于余余惟文正公之遺風餘思流於來世者  
雖行道之人過其祠下徘徊感仰未施敬而敬其  
亦不知何自而生耶其亦因功德之遠而幸其祠  
之傳於遠耶而况其賢子孫耶彼香火院之不忘  
厥主而更不忘香火院所由始之白雲夫亦猶此  
志也耶余故懔然而爲之記云

文正書院世德源流碑記

總督江南江西等處地方軍務兼理糧餉  
操江兵部尚書兼都察院右都御史加三  
級文正二十世忠宣房孫承勳謹撰并書  
康熙甲戌之春承勳以滇黔制使 召爲御史大  
夫未幾改制兩江 特勅馳郵之鎮其秋泣止金  
陵卽奉 命與浙江會視震澤暨吳淞水利孟冬  
來吳公務旣竣乃展謁在城先祠及省視諸墓道  
族之父老子孫長幼畢集獻酬飲畢僉以脩祠請

承勲作而言曰是固先文肅公之志而仲兄忠貞  
公未竟之事也微父老言固將竭蹶以從今又以  
爲請敢不敬諾謹按譜牒我遼瀋一支出自忠宣  
公子子儀公諱正國累官荆湖漕運使宋末扈從  
隆祐太后至江西卜居臨川三傳至恂儒公諱良  
儻者仕爲廸功郎自臨川遷樂平因世爲樂平人  
恂儒公傳六世至景申公諱岳者明洪武時以通  
經授雲夢縣丞失火延焚卷籍謫戍遼東瀋陽中  
衛後所建文初遇赦還家子匡十七公諱孝文者

留瀋陽匡十七公三傳而至瀋溪公諱總者登正  
德丁未進士至兵部尚書瀋溪公又三傳而至我  
父先文肅公諱文程官至內秘書院大學士溯厥  
源流則文肅公爲文正公十九世孫而實忠宣房  
之嫡裔也先是瀋溪公筮仕水部筦權武林始得  
詳樂平謫戍本末後乃建大司馬坊於其邑示不  
忘本云至先文肅公又得詳姑蘇至江西原委自  
是水木本源洞然明白順治年 予告後擬請  
命南歸謁祠上冢初志未遂諄諄以屬承勲兄弟

而仲兄忠貞公隨撫越制閩凡三過吳門必展祭  
先祠見其摧圯幾盡祖像不蔽風雨亟貲度材陶  
甓鳩工改作先葺正寢以恪其典禮嗣葺三公堂  
以安三太師之神鼎新歲寒堂俾子孫報享有所  
復建先憂閣於祠之左門廡垣牆方欲一切興舉  
而逆藩告變公遂殉節海疆於是乎遺其責於後  
人嗟夫非承勲之任而誰任哉然又不敢先私而  
後公以故甫履任卽出俸緡倡修 聖宮之在省

會者工旣成乃從事於家祠遵忠貞公之規畫而



加坊焉世濟忠直及文正義澤之坊一郡之觀瞻也工最亟宜首河以南大垣一祠之屏蔽也工亦亟宜次然後建後樂樓於祠之右與先憂閣並峙稱雄工又次之又於異地廢基特創新祠以奉文肅公主而以先兄忠貞公從祀焉工又次之忠宣公舊有官祭特祠鞠爲茂草春秋權祀於先憂閣下心竊恫焉乃重葺舊諸賢祠改爲忠宣公祠以爲專祠地而以文肅公舊祠改爲諸賢祠以報先賢之有功於義莊者復於東南隅建祠以祀土地

之神而明禋於是乎咸秩矣歲寒堂饗亭廢久陪  
祀子孫曝日承雷無所庇乃復建立如其舊又作  
門加扃鑰焉於是乎屢進趨蹌而不失其度矣至  
於四隅隙地有鬻於他姓者盡償其直而還諸莊  
於是乎經界正而侵牟無所容矣凡此固承勲之  
所以述忠貞之事而皆所以繼文肅公之志者也  
夫以我文正公之德澤而又承以忠宣公之忠孝  
父子事業照耀天壤似難乎其爲子若孫矣今其  
苗裔散處四方者多有唯我遼瀋當有明中葉風

會未開乃篤生我瀋溪公其歷官立朝樹績不朽  
相傳有洛陽水月及范青天之謠士民謳思至今  
又數傳而及我文肅公爲開國翊運功臣凡此皆  
祖宗積累深厚是以代有偉人應昌期而挺出爲  
宇宙扶綱常植名教非特一家之俊傑也今承勲  
待罪茲土不能於祖功宗德有加毫髮而但淵冰  
自慄上報 皇上眷顧寄托之深恩下副祖宗父  
兄期望責難之厚意故於祭告時矢諸几筵之前  
苟玷宗風有如皦日惟欲令後人指而目之曰此

真不愧清白吏子孫者也他何求焉癸酉之冬承

勲自滇來

朝奏對留浹月辭還

皇上親灑奎

章

賜臣承勲四字曰世濟其美乙亥之歲閩撫

臣請特祀臣兄於閩

皇上宸翰重褒

賜臣承

謨四字曰忠貞炳日凡此皆萬世難遇之恩榮而

可爲祖宗光寵者也祇勒

御額恭揭祠楹以昭

示子孫於勿替云後之觀者步范家之園撫十圍

之樹俯仰今古前人之流風餘韻有宛然如在者

乎儻由此醞釀栽培元氣愈固則根本愈深而暢

茂條達自不期然而然矣安知不又篤生偉人如  
上數公乎所望我後之感發而興起者無窮也工  
始於乙亥七月以丙子五月落成謹識其實於麗  
牲之石如右所云勦其事者則有文正十九世孫  
監簿房孫主奉能濬例得附書康熙歲在丙子夏  
五月吉日謹記

文正書院世德源流碑陰

文正書院主奉文正十九世監簿房孫能  
濬謹撰并書

祠始建於宋咸淳甲戌蓋四百二十餘年於茲矣  
其中堂寢廊廡樓閣垣屏坊亭綽楔之屬則皆賴  
當時諸賢卿大夫涖茲土者相繼葺修日有以益  
其闕至嘉靖間凡歷三百餘年而其制始備其成  
之難如此然規度旣宏繕完不繼百餘年來日卽  
於圯已酉之歲瀋陽相國文肅公中子忠貞公撫

浙道吳謁祠下慨然興水木之感乃爲捐俸以營之庀材鳩工什居六七未幾而公以制閩殉節遂弗克潰於成又越二十餘年而今制府駐節兩江始得以竣其事凡而祀飲寢食教肄庖湍之所無不畢具前後所費不下數千緡而祠之制復備於今其成之難又如此昔文正公置義莊立義學以教養羣族而監簿忠宣右丞侍郎諸公爲之詳明規式指揮盡善請於朝而勒之堅砥俾子孫世守至今不廢今制府紹文肅之志續忠貞之業父子

弟昆殫心祖澤篤成烈而行餘慶何其盛也此世  
德源流制府述之詳矣竊念先大父少參公當義  
澤中落爲割膏腴田十頃助入之以供脩祠贍族  
之費蓋文正公當日義田至有明中葉僅存三之  
一田故最下而又困於賦不足以支而貧族仰給  
者且數千百指實藉是而少沾升斗之惠也暨先  
父檢討公早歲登賢書卽以清理義田爲已任前  
後四十餘年間凡三主祠事興復舉廢脩定規矩  
凡族之貧且老者嫠而處者喪而無以爲葬者子



弟之能讀書者必加意優恤嘉矜激勸無不曲至  
先是天平山有忠烈祖廟建於宋紹興中於吳中  
祠爲最先歲久頽廢益甚乃倡勸子孫共捐義米  
更爲斥其制而新之今閤階序嚴整合度皆先  
君子之力也當忠貞公之修復先祠也先君子實  
經理之旣以未竟厥工爲憂而今制府方開府粵  
西旋擢制滇黔乃萬里家書往復惟以修祠相屬  
制府能踐其言而先君子已不獲覩其成亦可悲  
已能濬濫王祠事得掛名碑尾藉以不朽敢爲敘

而綴之以誌德於不忘且以諭吾族之父老子弟  
共相維持思所以善其後則尤能濬之所厚望也  
已康熙丙子八月謹記

御書亭恭紀

巳卯科副榜教習候選知縣

臣范濬

康熙四十有四年乙酉仲春 天子南巡閱河臨

幸江浙翠華所至問俗省方樂育賢材嘉惠臣民

優恤淹滯布德施仁罔弗周至萬姓歡悅四月十

二日乙亥自杭回蘇駐蹕於時淑景清和湖山明

麗 萬幾休暇鄉農野老羣懷望幸之思 皇上

軫念麥隴方秋恐車駕所歷有妨東作惟靜息行

宮從容翰墨之樂 聖學淵深賡揚莫及 龍章

揮灑恩賚有差而尤加意前賢表章往哲十五日

戊寅 賜吳太伯祠言子祠二扁額次蒙 天語

垂詢有南書房翰林編修 臣 蔣廷錫等以宋先臣

仲淹文正祠對 上俞允翼日乙卯 親書濟時

良相四大字與錢塘朱子祠晉陵東坡書院各祠

扁六軸 命南書房翰林 臣 查昇 臣 陳壯履 臣 勵

廷儀 臣 張廷玉 臣 錢名世 臣 蔣廷錫捧出首宣

賜先 臣 祠傳 諭云 皇上崇重先代名臣 特

賜扁額 御書墨本當給與嫡派長房子孫藏守

如後裔不在蘇州者交與地方官有江寧巡撫臣

宋肇啟奏范氏本家相傳設有義莊主奉係長房

嫡裔范濬臣所素識隨捧授臣祇受臣率同宗族

行在戶部侍郎臣承烈等跪接恩旨恭開瞻仰

四字褒揚八法古勁書盈二尺大踰他幅衆目聳

觀無不驚羨以為臣家榮遇臣跪承之下感恩無

地謹附奏云臣祖祠建在鄉邦數百年來未邀玉

音旌顯臣父必英係丁酉科舉人已未名試博

學鴻詞欽授翰林院檢討忝列侍從恭觀御

書精妙以微員供職未久不敢請給欲求扁對以爲祖祠光榮因向無此例亦不敢瀆奏有志未伸

今蒙煥發奎章輝煌祠宇真亘古未有之曠典

臣家子孫散處四方者甚多皇上追獎先臣正

所以勉勵後嗣臣一介儒生需次選人之末於國

家未有尺寸報効乃荷聖慈賜臣祖祠扁額頃

分頒諸臣御書臣濬復得與賜一日之間疊膺

榮寵雖捐糜頂踵何以仰荅隆恩此不獨臣一

家感戴凡厥臣庶觀瞻者仰見我皇上推恩及

數百年前之臣子念其成績錫以芳名自莫不

踊躍奮與砥礪臣節教忠教孝聖德之生成無量

所有賜給墨寶除一面臨榜祠楹臣原有先世

誥勅手澤及前人題跋相傳法守謹當裝潢珍藏

昭示子孫永沐皇仁於萬世侍郎臣承烈奏云

臣瀋陽分支系同出先臣之後上叨遺蔭一家父

子兄弟先後屢受國恩拔置大僚今臣隨駕至

蘇得拜先臣祠下私心方爲慶幸今奉欽賜先

祠扁額臣適恭逢異數恩出非常喜溢望外敢

不益矢恪恭勉圖報稱

臣

謹隨蘇屬子孫恭同接

旨奏謝奏畢翰林

臣

查昇等隨引至宮門前

入內一一代爲傳奏出云爾等所奏

皇上俱知

道了當卽謝恩而出

臣

等賞捧

御扁至文正書

院祖像前恭設香案拜告望闕叩謝訖伏念先

臣

自筮仕至執政四十年中歷知州郡惠澤幾半天

下所在祠祀不啻百計吳中爲父母之邦昭揭璇

題未能遍及謹擬建立碑亭壽諸貞珉摹奉直省

各祠俾處處子孫咸得恭瞻欣躍庶不負

皇上



優崇先<sub>臣</sub>之至意因出義田儲粟<sub>臣</sub>承烈等復捐

金以助其役於是市材製榜丹黃金碧藻繪兼施

擇吉懸掛蘇城文正書院天平山忠烈賜廟郡學

祠支硎寺祠滂墅關書院等處別選石摹勒供寘

亭中併將頒賜<sub>臣</sub>濬御書列樹於壁天文璀璨

榮光上燭於先祠睿藻繽紛鳳彩分輝於下

士<sub>臣</sub>不揣荒陋援筆恭紀以彰聖世之殊恩小

臣之竒遇<sub>臣</sub>不勝感激悚惶之至

重建支硎山文正公祠記

文正書院主奉十九世孫能濬謹撰并篆  
額  
二十世孫興禾謹書

支硎山觀音寺者天平白雲功德寺子院也宋制  
凡大臣塋所恩許置寺度僧追福祖先先文正公  
葬河南哲宗朝勅置功德寺以舊法會院改賜褒  
賢顯忠禪院以奉香火今公祠及仁宗御篆墓碑  
俱在寺中而蘇州天平山白雲寺則公參知政事  
時以高曾祖考四世松楸所在藉此寺照管准先

降條貫奏賜今額爲功德寺間歲聽度一僧以嚴  
崇奉至公仲子忠宣公登相位乞兩處遇節各添  
剃度行者每歲一名申尚書省禮部施行蓋前代  
優恤大臣以綿孝思於不匱恩意周渥此功德香  
火院之所自來也先是勅建忠烈廟在白雲寺之  
右明正德中知吳縣事劉公恒以寺本爲公奏請  
而祠反在傍於義弗稱乃於寺中復建堂祀公名  
曰正本俾守於僧欲其不忘厥主焉後寺經兵燬  
而正本堂亦廢支硯爲天平支隴兩山聯亘相望

明初歸併天下寺觀其屬於白雲者凡六而支剎  
之觀音寺與焉遂爲功德寺子院信施所入分供  
白雲常在率以爲常寺中亦崇祀公以爲山王故  
皆爲范氏香火院祠歲久圯不治神王移供僧舍  
與釋像列坐族姓聚處山下者不下數十家歲時  
瞻拜無所蓋兩寺香火僅有空名久矣先君子檢  
討公主奉祠事振興衰緒謀重建祠以存香火壬  
申秋以謝世弗果濬仰承先志與掌莊執事房長  
彌隆彌勲彌熹興平興似興俊君訥君揆儀則儀

秩等分董其役材用一取於義莊儲粟不以纖悉累僧人重建文正公祠三楹像壙如忠烈廟製外爲大門堂階欄楯樸堅如度自相基會作凡閱八載而卒事祠門南向憑高面山蒼翠異狀遠而村墟藜落樹陰晻曖遊客篋輿隱見絕續者皆出於几席之下以歲之春秋躬率子孫至祠下修報祀之禮凡族人侵擾常任者依祖規以與罰復上請於學臣得奉祀生一人以司兩山祠廟奔走豆籩之職而香火院始克復其舊落成之明年 皇上

南巡駐蹕蘇州念先公爲宋室名臣 特賜 親

書濟時良相扁額四大字懸之祠宇以墨本給濟  
藏守因摹勒奉於兩山祖祠以示寵榮焉方濬之  
從事斯舉也客有詰之者曰白雲功德之始也捨  
彼圖此毋亦以兩寺香火盛衰異勢將與寺僧規  
尺寸之利與濬應之曰非敢然也白雲之爲功德  
寺載之史冊人皆知之今頽廢殆盡用艱力鉅未  
克輕復且前此已鼎新忠烈廟矣去寺不數武報  
享有堂登降有序規制完善正本堂雖未建而香

火固不患其湮滅也支剎去闐闐甚近惟藉春間  
匝月香火以供終歲齋薰諷唄而觀者朶頤蠶食  
僧人空乏今祠旣建俾子孫入寺愬然思祖宗式  
憑在是相與維持而保護之亦欲使見之者念先  
賢香火所留或生甘棠之愛不至盡剪伐之而後  
已在寺僧當亦不忘厥主體劉公昔日立正本堂  
於白雲之遺意則是役也上有以妥先靈下有以  
馭族姓僧蒙其休遊人致其敬蓋先君子之志而  
齋之所樂觀厥成也客曰善夫是不可以不記也

遂書而刻之於石

康熙四十有四年歲次乙酉仲秋吉日記



重建澣墅文正書院記

文正十九世孫主奉能濬謹撰并篆額

二十世孫興禾謹書

先文正公祠宇遍海內而吳中爲公鄉邦得奉朝  
旨建專祠立書院載入國家祀典者尤非一所澣  
墅關武邱鄉文正書院其一也祠始建於明嘉靖  
中懷寧方公鵬以戶部員外郎來權關設義塾敦  
教化揭祀公以示諸生典型卽古先生歿而祭  
於社之義詳樓鑰義學記與陳大咸諸賢祠記中

又於廣福菴之左特建書院以奉公祀每歲春秋  
部使者具牲牢謁祠下祭典具編關志其來久矣  
先是彭華鄉官署傍故有祠相傳公嘗降靈爲士  
人舊祀旣廢而方公乃建於此其後分司張公立  
愛葺修之而榜其門繼爲族人佔居毀頓旣而戶  
部王公之都與先大夫參議公同年相及善屬之  
興復馮夢禎爲之記世孫守祠生可維復增建三  
太師祠規制畧備 興朝以來二十餘年又盡頽

廢許墅爲南北莊道名賢往來輻輳前賢建祠祀

公風厲來學立意深遠顧以去郡三十里而遙子孫又復散處其平日之繕完灑掃責在奉祀之人守祠者賢否不等旣居其中不一再傳遂有視同私產分析授受姻黨雜處甚或僦居收直聽其傾圮而不惜祠之廢壞大率由此康熙癸丑瀋陽族孫忠貞公承謨制閩來吳旣捐資修建城莊書院及郡學祠時澣關僅存儀門一椽以棲神主庫逼破露不堪屬目會王事陳公於忠貞爲年家子先君子檢討公因乞其一言爲勸遂得倡助市木五

十緡未幾陳公瓜代去而海疆不靖忠貞殉節工  
弗克舉祠木久貯河干復爲族人廢去族孫牛員  
安度與子君揆相繼爲義莊提管矢志興建提學  
贊善許公督關馬公巡撫宋公咸分清俸以助其  
役於是首申理所售之木爲賈若干繼請撤郡庠  
舊祠五楹得木瓦之材若干積諸當事及族人所  
助金若干不足益之以義莊所存舊租餘粟若干  
經始於壬午之夏至甲申秋乃成中建文正公祠  
傍兩夾室左崇德報功祠右衣德象賢祠後三太

師祠舊祇一室今規而廣之一如前堂之制以及  
大門儀門凡若干楹周垣照屏廣袤共計若干丈  
若干尺門序正位輪奐堅壯遠過於昔蓋工力艱  
鉅時會有需累三十年而始克告竣實爲關中賢  
祠之冠龍在旃蒙 天子南巡至吳 特賜文正  
公祠 御書扁額因摹奉各祠擇吉懸掛於時子  
姓咸集奉祠生安炎歷敘前此興廢之始末而屬  
濬記之濬忝主祠事義不獲辭竊念書院之成皆  
賴當世賢公卿大夫優崇贊襄之力而尤念先君

子與安度提管實始其事今君揆善能繼述經理  
督治以迄於成其功未可泯也因括其大畧而書  
之石自茲以往尤願關居附近子孫交相保護毋  
使隳廢復蹈前轍濬之志也陳公名常夏陝西富  
平人遷蘇州郡守許公名汝霖浙江海寧人歷官  
禮部侍郎馬公名逸姿陝西武功人今任蘇松糧  
儲道參議宋公名犖河南商邱人今任江南巡撫  
皆以治行著聲於吳士民食德而在吾族之生祠  
而尹祝者尤不容已此崇德報功之祠所由立也

謹並識其名以著不朽云康熙四十有四年乙酉

仲秋穀旦謹記

重修常邑文正公祠碑記

先賢事功德澤風乎百世之下不惟于其鄉而鄉人感之甚深亦不必于其子孫而子孫慕之尤切蓋其道可師其恩可久不特流風餘韻之謳思與木本水源之紹述也宋叅知政事范文正公始蘇人也其子姓徧天下而在蘇之屬邑者尤多郡城有公祠一所榱桷輪奐綽楔巍峩公二十世孫今大司馬名承勲總督兩江時所葺主奉濬所董戒也屬縣常熟亦有公祠在邑之南郊予分守東吳



駐節常熟曾拜公祠因詢其創建始末其族屬支  
使裔孫廷策進曰祠向在充繡坊因燬於兵燹廷  
策父愷懼其本支子姓不獲烝嘗始祖請於當事  
捐貲營造併置田以備修葺今五十年矣廷策父  
沒里中紳士復請於當事耐主於廡不欲泯其創  
造之功尊祖之念也余聞而善之余慕文正公道  
德紹孔孟文章軼班馬迄今七百餘年公之聲靈  
在吳會者若三江五湖之灌注百川莫釐縹緲之  
標準南服其昭明發越之氣無乎不之也何況於

常熟何況於常熟之子孫惟是愷以布素書生而  
能復專祠置腴產使先賢俎豆益光後人有所藉  
以致其將享其反本敦倫之意堪與 國家崇祀  
報功之典並傳不朽耐之于廟誰曰不宜愷爲文  
正公十九世從孫與大司馬世次彷彿雖南北綿  
邈而尊祖之念同一修祠於郡城一建祠於茲邑  
不謀而契後先興舉雖文正公之豐功大德食報  
無窮者初不在此要不可謂非賢子孫之衆多也  
祠建于順治十一年中丞張公爲免祠田力役之

征康熙四十四年學使者張公從紳士之請許祔  
愷主於庶祔主之明年愷子廷策謀所以示後  
余文以記之子樂觀先賢之有賢子孫爲書其梗  
槩如此 昔

康熙四十五年歲次丙戌孟秋月

穀旦

誥授朝議大夫江南布政司督理蘇松常鎮糧儲  
道兼巡視漕河分守蘇松地方事務叅議加三  
級馬逸姿謹撰

遷吳始祖唐柱國麗水府君祠記

文正二十世郎中房孫安瑤謹撰

嗚呼我范氏之世德遠矣昔先文正公仕宋祥符  
慶歷間爲國名臣贈官三世考太師祖太傅曾祖  
太保由贈太保公而上爲高祖是曰麗水府君府  
君諱隋幽州人唐丞相六世孫高士無疆公子以  
將仕郎任良鄉縣主簿唐懿宗咸通二年加柱國  
賜誥後任處州麗水縣丞中原未靖不克歸留家  
吳中子孫因之然則府君遷吳始祖百世不祧者

也府君墓在太平山左麓歲久湮蝕封識無存小子瑤謹揭石于阡其神位奉城莊書院者向與遠祖諸主同置太師堂夾室歲一致祭儀不稱德神不之棲小子瑤竊恫焉癸丑歲官西曹郵命兒子君求謀之主奉執事庀材鳩工築宇歲寒堂後爲室三楹以妥侑府君而別爲遠祖祠奉唐丞相而上至於受姓之祖廣其庭除繚以周垣工積五月而就費貸白金千兩俟償之新莊贍族餘者今年夏小子瑤歸里肅造府君之祠瞻拜曰嗚呼維府

君蘊德流光用克昌我後人豈惟先文正嘉賴寔  
茲一十六房子姓食德服疇忠君愛父咸受府君  
之芘自今日以至千百年繼繼繩繩以莫不承其  
敢怠于昭報而忘所自小子瑤敢稽首而書諸石  
乾隆元年歲次丙辰仲冬吉旦

勅授儒林郎漁莊范公祠記

賜進士出身光祿大夫太子太傅文華殿

大學士兼吏部尚書總理浙江海塘管理

總督巡撫鹽政印務錫山嵇曾筠撰 賜

進士出身翰林院編修僑吳邵泰書 賜

進士出身奉直大夫吏部員外郎良常王

澍篆額 文正書院主奉興禾立石

漁莊范公既歿之三年其孤瑤祇奉遺訓以田十頃助義莊式廣文正公之澤於是江蘇巡撫都御

史尹繼善爲上其事 詔晉瑤秩授員外郎而族

之戴德者度文正書院良隅隙地請於主奉築祠  
其傍春秋用享俾公從范氏諸賢後共膺俎豆蓋  
云報也後三年瑤由刑部員外郎出知大同府解  
組居太夫人憂遣使以手書告曰某不孝無以闡  
揚先德惟府君存日念義租之微薄覩子姓之殷  
繁思公其產以均之合族贖志未發余小子不敢  
違族姓謂府君有惠于范氏啟立祠宇閱八年矣  
尚闕文以記大懼無以妥先靈訓來茲也敢固稽



辭以請余與范有戚且嘗夙欽公之爲人不敢禮  
辭按古聖王之制祭祀也自法施于民以及凡有  
功德於人者皆在祀典言循其道可爲法于天下  
與夫豐惠利以宜民俾世世享德其善長其澤溥  
其垂教也遠歿而美報之稱其績也家之有祀也  
其理亦然其法有以施于而家而功德有以賅於  
子姓上克丕承先世遺緒下足昭示後嗣厚其施  
於族人靡不徧且洽且不可以歲月久近計也則  
善不恃惠而崇澤不倚勢而博教不煩言而著矣

沒而報之也不亦宜乎維文正公勲在天壤勞在  
國家法施于天下後世者也設有義田徧德爾族  
則又法施于范氏者也而公生其後讀其書溫溫  
乎功名無所試師其置產贍族之規以從容而自  
任迄歿世而志卒以就則信乎胚胎前光而有以  
樂育我邦族焉今之巍煥其宇整肅其儀者夫豈  
或私乎哉當明季時文正後諱允臨者助田千畝  
入義莊族人祀之書院閱百餘年而復得公後先  
輝映若合符節然允臨宦于朝位少參祿入畧饒

而公未涉仕階產故有限卒賴賢子終公欲爲之  
業以食俎豆於無窮取而較之不更有難也歟公  
諱彌勳字文侯別號漁莊太學生候選州同爲郎  
中房十九世孫公之生平行誼卓如古人者當代  
必有文章之士爲之傳若誌可以考見故第詮次  
族之所以祠公者云

乾隆二年歲次丁巳秋九月吉日

天平山白雲亭記

依洲瑤撰并書

我范氏自唐柱國麗水縣丞公始家於吳卒葬郡城西之天平山左麓後三世俱葬山右地相望以文正公貴皆贈國公號曰太師墳山之半有泉曰白雲白香山見於題詠而名遂著其下有菴文正公奏建爲寺度一僧守之以護松楸世爲功德院泉側舊有白雲亭又曰半山亭位當忠烈廟之東北載諸志乘蓋天平白雲之間先世列祖之棲神

藏魄胥於是乎在瑤於雍正己酉秋旣與族人樹  
碣表麗水公之墓卽葬先君子山陽之下沙去山  
不四五里因顏內舍曰望白雲廬茲念白雲亭歲  
久湮廢乃相地補作之更闢泉上軒屋之傾圯者  
葺爲雲泉精舍妄意茲泉與亭我家得世寶貴之  
也而予又自念昔備官於朝爲秋曹郎尚書省  
有亭亦曰白雲時治案牘其中出守大同其地又  
爲古雲中郡今蒙恩歸田里復得棲息於此顧

瞻邱隴徘徊泉石是此生與白雲相浮沉覺浩浩

落落皆會心處誠厚幸矣夫山水之竒非人不著  
茲山緣文正公以顯迄今幾八百年過者咸感慕  
不衰况瑤水木之思寧有旣乎屬諸君子連留此  
亭者多有題詠將彙刻於唐宋諸名賢詩後是以  
記之 乾隆二年歲次戊午秋七月旣望

補築白雲亭記

五峰山樵李果撰并書

白雲泉在太平山之半有白雲亭廢已久范君依  
洲補作之君居鄉捐田千畝入義莊以贍族

世宗皇帝嘉歎擢爲京官出守雲中解組歸建始  
祖祠築室文正書院西偏貯義田租粟今又營是  
亭以復舊觀蓋拳拳於祖墓所在也嗚呼不誠能  
世其德者哉天平於西山峰巒多峭拔石離立而  
土不豐中有峰高數丈立雙石之上岌岌欲墜亦

有如飛來者如卓筆者如奔馬如屏矗者截立斜倚隱躍起伏而范氏自始祖麗水公葬山之東麓文正公考以上三世皆葬笏林之陽當文正自睦州移守鄉郡常卽白雲菴奉香火洎登政府例得置墳寺慶歷初請於朝改菴爲白雲寺度一僧守焉以泉名也蓋寺屢修無恙而雲泉之亭廢旣久矣予昔嘗遊天平見泉出巖竇色凝白如乳瀉注絕壁下小池涓涓如鳴玉大旱不竭唐白樂天宋蘇子美各有題詠刻石上已模糊不可辨泉上有



屋兩楹傾甚今歲之春君撤而新之爲軒爲樓爲閣樓之下爲燠室躡磴以入爲虛廊爲庖溷咸相地所宜以構築而閣尤傑出空其三面以望九龍璚瑁諸勝金壇王吏部虛舟榜書兼山閣東爲喝月坪古松一本在軒之隅蒼翠如蓋軒曰如是取孟子語有本之義也山多松栝楓榆細竹生石罅望之蔚如翠微深處一線泉亦乳滴石之名有龍門卧龍頭陀釣魚蟾蜍不一各肖所稱又有大小石屋其穿山洞君易爲穿雲摩崖以書此皆循白

雲亭以度而諸景可盡得秋八月予過泉亭君留  
信宿屬以文記予惟君才敏練而性溫良方知大  
同府時愛民如子常辦軍需大役著有勞績又數  
理冤獄大吏稱其能又能勤思舊德式廣其澤瞻  
焉祖墓謹護松楸庶幾能世其德者因記之君名  
瑤依洲其字也

乾隆三年八月

光祿大夫襲封衍聖公闕里盛典總裁闕  
里孔廣榮撰并書丹 賜進士出身奉政  
大夫提督四川學政廣西道監察御史加  
一級紀錄二次里人張仕遇篆額

予讀宋史文正公傳見其少時慨然有希聖之志  
故爲學晝夜不息憊則以水沃其面食不給繼以  
糜粥自古脩士大抵多勵於窮時厥後勲名書竹  
帛功德普中外輯邦家而長子孫乃心猶歛然弗

渝其素夫是之謂賢而當時後世之人感于心刑  
於行俎豆於不祧宜也我朝隆儒重道釐正祀

典于宋程朱四子外若陸呂歐真輩皆得從祀

文廟康熙中復允儒臣之請公亦得從祀記曰凡  
立學者必釋奠於先聖先師非僅云報也欲後人  
則而象之以勸進乎道也春秋以還講求理學者  
莫盛於宋而世以功業著者莫如范方其直言極  
諫正名分鉏僉壬威加邊徼而仁撫流亡使國家  
鞏於泰山之安宗族樂其推解之惠曾文韓富之

後或得此而繫之若夫不以物喜不以己悲先天  
下而憂後天下而樂史稱爲諸葛武侯之倫豈非  
不以其才以其學哉公生時已有畫像祀之者其  
卒也敕建祠凡四十有九而松江居其一公祖自  
平章公以廷諍死遂由邠徙於吳世爲吳人松范  
氏其衍派也公專祠在府治之七星橋西學宮之  
旁二仲有司奠祀載在郡志後又奉平章公及公  
子忠宣公爲三賢而合祀焉 國朝因之夫平章  
公以正直顯於唐而忠宣公以父風繼其後且曰

吾生平所學得之忠恕二字又曰六經聖人之事也知一字則行一字嗚呼愈以信公之窮經懋學其爲承先啓後意深遠矣則三賢之祠不綦重耶今祠以歲久失修棟宇頽廢其子姓范成章范嶧范嶧等念薦馨之無地請當事而重葺之荆榛瓦礫中經營舊址各資助以開新焉乾隆六年落成公二十二世孫爾震向以奉  救修書來魯言之悉茲復丐予辭以貞諸石予謂范氏其苗裔也水  原本本之思也而予之言則重吾道之有人也美

祖耳孫休風未沫亦可恍然于 國家祀典之設  
罔有不本于名教者遂爲辭曰波瀾浚兮維海之  
濬樹晻曖兮維暮之春葺瑤堂兮薦明禋有文孫  
兮孝且仁翦荆蕪兮勤經營文棖兮繡僚迓三靈  
兮窳窳桂醕兮蕙蒸參玉軌兮服天姣靈之歆兮  
邇虞庠道氣充兮浹三江峯泐鍾兮秀民興引以  
翼兮來宮牆靈貺兮未艾憂何旣兮樂無疆

遷吳始祖唐柱國麗水府君墓門碑記

文正書院主奉二十世監簿房孫興禾謹

撰并書

唐柱國麗水府君爲我范氏遷吳始祖墓在太平山左麓劍沙印石山水明秀形家謂祥之所鍾宜子孫代出偉人繁衍徧天下四傳而生文正公爲宋理學名臣功在國史父以上三世追贈國公皆葬天平之右世稱太師墳當文正公在政府時奏言臣家四世松楸俱在於吳請以白雲菴爲功德



香火院勅賜寺額忠宣公復置祭田又奏請歲度  
一僧守之蓋兩公之厯懷祖墓所以保護之者至  
慎也至明而我曾大父少參公傍山築室常往來  
棲遲惟以祖墓爲念顧歷世旣久墓道漸湮今

國朝雍正己酉秋世孫安瑤特揭於阡以表之而  
神道未經修闢子孫春秋展謁於禮猶留餘憾乾  
隆庚申歲文登徐公撫吳軫念先賢義澤飭令後  
裔清釐安瑤方身任義莊提管相與申復遺規節  
縮冗費以儲修葺兩年來山城綽楔祠宇廊房次

第具舉今春以府君神道亟宜修治安瑤又出其  
捐貯義莊之粟具石庀材偕主計德相典籍君璿  
相度鳩工碣翼以亭門樹以石濬池闢道幾五月  
而告竣非敢飾爲觀美亦仰承文正忠宣以及少  
參尊祖追遠之意惟恐弗及於萬一蓋深以祖墓  
爲重也興禾惟文正公墓遠在洛陽當明弘治中  
以守墓乏人檄取吳中後裔郎中房孫南昌教授  
公移家居守今爲河南支祖歷代以來四遠之裔  
赴豫省墓者絡繹於道矧府君邱壠巍然在望自

唐迄今千餘年來保守無恙而我子姓庇府君之  
遺澤在吳中者千有餘丁亦惟秉府君之懿訓敢  
不共將誠敬以期綿延勿替則繼此歷數千百年  
繩繩繼繼不更有如今日者哉謹爲之記

乾隆七年歲次壬戌仲秋穀旦

范氏賜山舊廬記

前史官長洲蔣恭棐撰  
內閣中書舍人

吳邑沈志祖書

范文正公世家蘇州奮孤露爲宋賢相蘇人仰止  
文正猶斗之有杓也史稱文正出唐宰相履冰後  
其始家蘇州者唐麗水丞諱隋蘇州之范由麗水  
別尤如水木之有本源也文正而上三世墓在天  
平山之右麗水墓在太平山之左文正登政府奏  
請白雲菴爲功德香火院勅賜寺額忠宣復請歲

度一僧守之故天平山范氏號賜山明季參議允  
臨依麗水墓構山莊 本朝康熙間檢討必英卽  
其地建參議祠乾隆初元前大同守瑤始表麗水  
之阡七年秋請義莊新增田所入餘儲闢治神道  
會參議曾孫國子生興禾會昌令興穀重葺參議  
祠旣成相與循覽園池愜想參議遺跡次第修復  
於是呪鉢菴寤言堂聽鶯閣芝房魚樂國來燕榭  
繙經臺宛轉橋諸勝盡還舊觀其明年工訖改莊  
名賜山舊廬以屬恭棊記其事惟文正相業著於

有宋祥符慶歷之間而其道師表百世其發祥鍾  
美之所自豈惟范氏子子孫尊祖追遠之思宜  
久勿忘實吾蘇人所瞻慕而必恭敬止者也又况  
范之後賢克念祖德世濟其美過其廬者望松楸  
之鬱然挹清泉而攬白雲亦將有所感發興起乎  
其不徒如李衛公平泉草木冀佳子弟保有之而  
已也是用謹而書之以附於錢公輔義田記之後  
乾隆八年癸亥中秋日

重修文正書院興復義莊碑記

誥授中憲大夫知蘇州府事覺羅雅爾哈  
善撰 賜進士出身奉政大夫江西道監  
察御史王峻書并篆額 文正書院主奉  
二十世監簿房孫興禾立石

昔文正范公以公忠報國之餘置義田於吳以贍  
恤族人子孫世守垂七百餘年而不替今公之世  
孫大同守范瑤能遠紹公志增置義田仍重修書  
院興復義莊敘其始末屬記於予曰始宋皇祐初

公守杭時創置贍族義田於義宅立義莊以貯田租義莊之東爲文正書院卽宋咸淳中郡守潛公說友奏建公祠春秋奉祀元至正中更今名者也初公置田千畝歲收八百餘斛以贍族人九十餘口公子忠宣公等申明規制復增其數至明中葉其田漸爲豪猾侵隱郡守况公鍾力勘復之後十七世孫參議公允臨復助千畝 本朝百年來族姓益繁田之所入時患不足雍正七年某奉先人命增置田十頃并前摠三千餘畝此義田增廣之



大畧也然公所置義莊經宋元明久廢莫復書院  
自明宣德以來雖累次重修歷年久遠漸就傾圮  
某不敢懈視遂於乾隆二年與王奉世孫興禾等  
共議出義田羨粟相度書院歲寒堂南隙地鳩工  
庀材興復義莊而書院中各祖祠以及碑亭廊廡  
靡不修葺重新繼自今對越吾祖庶免隕越貽羞  
敢請一言以垂不朽予惟文正公以有宋第一流  
人物早具先憂後樂之志溯公生平言行建立事  
事可爲百世師而臨財好施收恤宗族之念尤發

於至誠歷觀史傳所載敦本睦族時有其人然多  
及身而止未有時更四代世歷數十縣縣苗裔猶  
被實惠如公在時者苟非上天鑒公之德時生賢  
子孫以維持之能有是耶今大同守之增廓義田  
於前修復書院義莊於後孜孜紹述力行不倦可  
謂繩其祖武爲范氏之象賢矣予不敏平日慨慕  
公之爲人今忝守蘇郡又樂觀茲事之有成竊願  
海內聞之興起豈獨爲范氏子孫吳中人士屬望  
也哉 乾隆八年歲次癸亥孟冬吉旦

重修澣聖文正書院記

文正二十世卽中房孫安瑤謹撰

文正書院之在澣聖者前明嘉靖間權使戶部郎  
方公鵬所創建也去城一舍而遙向爲附近子姓  
承祀典守雖春秋權部祀典如儀而義莊不時祭  
不歲修以致摧敗零落者歷有年所乾隆癸亥守  
祠世孫君璿來請曰本祠自康熙癸未修葺以來  
迄今四十年璿承灑埽之責日見祠宇之樑木蠹  
矣瓦甍溜矣漸而圯者傾裂者崩矣失今不治殆

將廢乎璿執事義莊得見長者光大前烈修廢舉  
墜惟日不足今日者泮聖之祠爲最亟璿願以一  
年請受所入稍佐厥工長者其有意乎嗚呼是余  
之責也微子言固將舉而興之於是罄廣義莊羨  
粟卽委君璿董其役而復以執事德相章嘉佐之  
量工命日盡斥其舊而圖其新費逾白金五百六  
閱月而竣事垣墉言言堂皇翼翼宸序靚深丹堊  
完好乃舉行告祭之禮又舉前此賢裔有勞於關  
祠者以附享几筵俎豆優然肅然退而諭于衆曰

從來祠宇創建不易而保守更難吾先公祠祀遍天下而在吳中者山鄉城郭亦不下十餘處義莊所入賙給既繁公費亦夥司事者時時仰屋而嗟而有志有力之子孫又不可多得欲祠宇之在在重新也不亦難乎廣義莊之設寔有鑒于此也以故不惜工力務期堅久俾後人得以隨時修葺若潦草粗畧苟完于一旦其與漫視于平時而不加之意者相去爲幾何哉且有祠而不祭與無祠等自今祠宇重新義莊主奉合族人歲一致祭以爲



原任山西大同府知府

臣

范瑤

殿山西大

我范氏贍族義田自宋迄今七百年子孫猶被遺  
澤雖文正公深仁厚德源遠流長實由當日奏請  
朝旨立有莊規故得累朝優恤維持子孫世守  
弗替伏蒙聖祖仁皇帝重道崇儒以先文正爲  
宋室名臣有功聖學御書濟時良相扁額特  
旨從祀文廟歷代帝王廟兩廡追崇往哲風  
勵後人誠爲曠典臣瑤系屬文正裔孫感戴

天恩仰承 聖化于雍正七年間以臣父彌勲遺

授膳田千畝歸之義莊推廣祖澤以成先志會江

寧巡撫都御史臣尹繼善上其事於朝欽奉

世宗憲皇帝敕部旌獎議敘臣瑤以知州應陞之

職授為員外郎十年冬銓補刑部四川司引見

天語褒嘉欲加超擢臣瑤揣分難安再三陳奏

得邀俞允在部供職僅逾一載調任現審右司

旋復保題即中旨奉諭旨以道府用適山西大

同府知府員缺 特恩補授旬日之間三覲 天



顏覽聆

聖訓

頒賜

御書墨刻貂皮數珠藥

錠諸品隨之治所亦僅逾一載雖黽勉奉職時切  
冰淵而宿有過愆致干吏議恭遇

今上皇帝御

極覃恩

詔許歸里數年來經理莊田興修祠墓

先世遺事得以漸次具舉何莫非我  
皇上高厚之恩賜有閒身以遂初心也伏念

臣瑤

以父遺薄

產教養宗族本無足錄乃叠受

國恩有加無已

至於此極是皆

聖朝作人雅化鼓勵將來之至

意卽捐糜頂踵無以報稱萬一用是恭建

恩綸

亭于天平賜山之麓謹錄雍正八年欽奉 聖旨

及撫臣奏疏部覆敬勒諸石以昭示後嗣俾知田  
經奏置不容廢棄得與文正義澤並垂不朽行見  
四方人士瞻仰之下感發興起咸思有以仰副  
聖天子明訓共成一道同風之 盛治又豈獨 臣

瑤一家一族之私幸也哉

乾隆十年歲次乙丑長至日

重修支硎山觀音寺并建寒泉書院記

賜進士出身翰林院編修蔣恭棐撰 賜

進士出身刑部郎中周廷燮篆額 賜進

士出身翰林院庶吉士沈志祖書

觀音寺在支硎山東麓舊報恩寺址也明洪武初  
歸併白雲寺故亦爲范氏香火院考寺之建因支  
公遺跡翔于梁天監賜額於唐景龍毀於會昌復  
於大中逮吳越錢氏移寺額置城北舊開元基廼  
於其地作觀音院數百年間迭有住壞若清贄飭

施於刺史文謙宿契於郡僚因緣邂逅良非偶然  
自歸白雲遂祀魏國文正公木主於寺之左入  
本朝且百年寺浸廢今福建按察使覺羅雅公守  
蘓時謀於魏國裔孫前大同守瑤鋤去稂莠延僧  
福基住持福基發願擔護竭其智力香信施捨不  
私囊鉢越三寒暑寺還舊觀瑤偕其弟興本等新  
魏國祠闢崇階繚以周垣別爲寒泉書院泉支公  
跡與范之白雲相望既底厥成敘其緣起謁余文  
且曰福基之勞不可忘也余惟寺之振有以傳高

僧之風祠之廟有以肅前賢之容二者皆可書其  
事由覺羅雅公始視盧簡求趙允遇輩不費而功  
倍之而福基亦贊謙之繼起者歟慶茲山之遭疏  
而識之俾勒諸石

大清乾隆十一年歲次丙寅仲冬吉旦

重修參議范公祠碑記

禮部侍郎後學沈德潛撰

宋范文正公直亮忠貞昭著史冊忠宣公繼之故  
江左大姓首數范氏至今過其祠者無不敬慕興  
起知爲厚德所貽越十七世而有少參議長白公  
公文章翰墨輝映海內與文待詔徵仲董尙書元  
宰先後頡頏中歲拂衣歸里徜徉山水討論泉石  
遠近以風流蘊藉目之然公功在國家澤被宗  
族以繩其祖武者當其視學雲南值鳳克之

安數十州縣以次殘破猝圍會城巡撫陳公  
公才猷委以城守調遣一日掌七篆公親執枹  
登陴固守令叅將張名世都司范繼斌等由富  
比羅次六路分拒令鎮臣子沐調元同知孫台等  
率勁旅搗其巢鳳克遁走城賴以完旋有以克首  
獻者衆信之將傳詣京師公爭爲僞未幾果生獲  
于安南界上廣南酋儂應祖自稱智高後志不軌  
結安南酋武德城擁兵十萬攻臨安會文武集議  
公言交人入內地勢不能久宜及其部署未定乘

之如公言賊不備兵大潰俘斬僞王公以下數百  
人二酋遂衰幕府上公功會陳公中蜚語被逮不  
得敘論者謂昔文正公捍賊鄜延賊不敢犯築城  
大順賊騎來爭戒諸將追勿過河賊失計引去公  
之智畧不愧爲文正後人云文正公置義田三十  
頃以給族之貧者至明中葉僅存三之一公清理  
復之又見生齒日繁捐腴田十頃以濟不足今之  
老有所資幼有所長者文正公倡于前亦賴公振  
于後也公舊有專祠規制樸畧觀瞻不肅族衆歎



焉先是公曾孫興概有志助田百畝未果沒其配  
顧孺人實成之至是復輸白金二千兩命子儀揆  
鳩工庇材建祠五楹奉公木主而以檢討伏菴先  
生以下有功于祠者配焉祠之前築樓五楹與文  
正公後樂樓接壤巍峩堂筵宏廠以公舊祠新  
其塗堊移從祀諸賢于內落成之日安神告虔鄉  
之士大夫咸在相與咨嗟嘆息曰傾厚橐以設宗  
祠鬚眉猶或吝焉乃巾幘而慨然爲之識報本敦  
大體可謂范氏之孝婦吳中之賢女已儀揆謁予

廬再拜請曰非公文無以榮先人而傳後世原有  
記先儒有言爲常人之子孫易爲賢人之子孫難  
今日之趨踰林立者皆先澤繇之也爲子孫者當  
思祖宗之難副宗德之不易承無以耰鋤而生德  
色毋以錐刀而起競心讀書砥行以端謹束身以  
寬厚率祖家庭稱令子鄉黨推善人可以窮居可  
以出政匪獨繼續少參卽文正忠宣之流風尙其  
世世無凌夸也哉乾隆十八年癸酉吉旦

斜塢山宕圖記

知昭文縣事于鰲圖撰

是圖乃乙酉夏奉委會同吳邑勘丈范墳後山圖也范氏自文正公以來設立義莊以贍宗族傳之千百年子孫世守誠良法也裔孫義莊主奉范儀炯等守此山莊不敢廢墜詎意不肖族人引誘石工袁秀章挾有廢契私自開山漁利結訟已數年矣今夏奉委會訊是案卽日與介子邱公同往勘丈四址旣清畝數立見是山總名小金山現開之

山爲斜塢山宕嶺以西潘姓之墳界之北許姓之  
山界之南范氏老山界之東南隅小金山寺之墻  
基卽圖中之古寺是也寺之後墻大石矗立乃昔  
年范氏控禁老山之遺記也予於是指示詳明折  
訊確切袁秀章無辭以對其爲范氏之山而山在  
墳後不宜開採已可片言定矣卽日繪圖立案詳  
結懲釋時天氣溽暑熱不可支而是日好風東來  
微雨與俱一時鄉民咸傳爲二縣勤政持公以保  
先賢之墓誠文正公之所感佑者也由是山而西

北五里卽寒山由寒山里許爲法螺又北爲支硎山南東卽圖中之洞子門由門而南而西則范墳前山所謂上中下白雲是也亦皆得遊歸而記之至於東南獨出一峯浮圖高插雲間者上方也上方四圍太湖也西南獨出一峯古寺巍存者靈巖也俱未得遊圖中繪及故并記之 乾隆己酉秋七月上浣四日書於琴川邑署之有竹西軒

重建白雲深處記

文正書院主奉前史官來宗撰

文正公自睦州移守鄉郡嘗以天平山白雲菴奉  
祖墓香火洎登政府例得置墳寺遂請於朝改菴  
爲寺度僧守之寺有退處之堂曰白雲深處蓋先  
世所作由來久矣前明景泰間竺芳禪師彙集名  
流題詠成帙三百年來堂失故址乾隆初修葺寺  
宇卽寺旁老屋三間榜以舊額聊存遺跡迄今歲  
甲一周風雨漂搖雀鼠穿穴朽蠹頽覆是慮爰於

嘉慶丁巳秋出義莊餘粟庀材鳩工撤而新之庖  
湏則移而遠之更增葺二廨可與燕居可與永久  
茲來祭掃堂已落成重書額懸其中前有老桂古  
梅百年物也其後大石矗立林木森然白雲縷縷  
迷漫山谷若爲籓籬夫物之變幻而不足恃者莫  
如雲故有白衣蒼狗之喻然觸石而起膚寸而合  
不崇朝而雨遍天下非雲乎古君子得志則爲出  
山之雲油然沛然澤被萬物不得志則爲在山之  
雲蕭閒澹蕩與清風明月相引於無窮斯堂也窈

天鏡閣記

宋參政范文穆公以文章風節爲阜陵所知在政  
府僅兩閱月退休吳中築別墅於石湖之上自號  
石湖居士阜陵嘗御書石湖二大字賜之湖之得  
名蓋自公始也昔周益公浮舟過訪載酒斯園稱  
登臨之盛甲於東南園之中以堂名者曰北山以  
觀名者曰千巖以坡名者曰玉雪曰錦繡以軒名  
者曰說虎曰夢漁以亭名者曰綺川曰盟鷗而天  
鏡閣爲第一士大夫遊賞者常以不得登斯閣爲



憾旣而時代遷易臺傾池平雖范村之名尚在人  
口而別墅故址無有存其髣髴者明正德中御史  
盧雍始建公祠於行春橋西移阜陵御書石刻陷  
置壁間迄今幾三百年矣去春余以公暇偶至湖  
上拜公之遺像見其祠宇頽壞有志修葺而公之  
宗人芝巖太史力任其事遂於今夏鳩工復其舊  
觀斷手之日親往瞻禮昔賢靈爽如式憑焉夫湖  
由公得名祠又因別墅而築者昔人因勝地而樂  
詠遊之趣後人尋遺墟而想弋釣之蹤右軍蘭亭

乎善藏卽之也深春秋佳日游息於此人耶雲耶  
合之咸稱是可爲浮雲富貴進一解也爲誌其興  
廢之由或仍作雲之變幻觀亦無不可耳

東坡雪堂千載傳爲名蹟况公生長是邦一邱一壑皆夙昔所經營而湖山澹遠距郭裁十里許春秋佳日臨眺尤宜爰於祠之旁地百弓中建一閣仍以天鏡名之復就其地之形勢曲折崇而巖之窪而沼之敞而軒之秀而亭之雖未卽如別墅之舊亦幾於具體而微矣嘗試登閣而望之澄波淼漫浮嵐映碧楞伽鐘梵泠泠入耳天光雲影如在大圓鏡中遠則具區千里少伯泛宅之鄉近則天平萬笏文正敦宗之地想公雲車至止必有眷戀

乎此者至於良辰美景羣賢畢集莫不景仰前修  
形之吟詠以生山川之色以增文獻之光亦吳中  
人士所共樂也閣成當有記余忝爲守士得列名  
樂石以附不朽尤爲榮幸云益閣而筆之對嘉  
嘉慶三年歲次戊午嘉平初吉郡守聊城任兆炯  
撰  
舊史官丹徒王文治書

重修石湖文穆公祠記

吳郡西十里有浸曰石湖山曰吳山宋淳熙中叅  
政文穆公構別墅其間阜陵書石湖二字賜之數  
傳後滄桑變易向之天鏡閣玉雪坡爭奇獻異於  
別墅中者已鞠爲茂草不可復識明侍御盧雍偕  
弟鄧中襄家越來溪少時數過湖上約曰他日當  
俎豆文穆於斯迨正德庚辰始建祠祀公王文恪  
鏊記之萬歷時廢吾宗叅議長倩公重建陳處士  
繼儒記之此石湖祠興廢之由來也自後春秋祀

事及歲修費歸義莊經理 本朝乾隆十六年後

莊費不足祠屋日頽

宗

已酉歸田清理義澤漸有

儲餘爰商重建鳩工庀材計費千緡制加堅壯不  
日竣事郡侯任曉林先生政暇來遊湖上見祠旁  
有餘地因捐廉建天鏡閣菘花壘石有亭有池以  
爲登眺游憩之所俾先哲風流依然未墜竊思文  
穆公與先始祖文正公世系難考卽石湖集中亦  
不自爲表述文正馳驅中外未嘗一日退閒文穆  
謝事後管領湖山極優游之樂文正祠宇宏多義

田義宅子孫世守文穆雲仍歇絕譜牒無存其後  
之不同如是然合之法施於民則祀之以勞定園  
則祀之是豈有不同者哉昔眉公記有云石湖爲  
文穆劔履往來之故墟顧獨委棄於山陬水涯非  
獨范氏之恥亦三吳後學之恥也今重新祠宇復  
得賢太守慨念先賢主持風雅使當年舊觀髣髴  
猶在可不謂厚幸歟落成之日爰誌其始末以示  
後來俾世守勿墜是所望也

嘉慶三年歲次戊午嘉平月文正書院主奉前史

官來宗謹記

錢塘後學吳錫麒書

...

...

...

...

...

...

...

...



唐將仕郎權知幽州良鄉縣主簿柱國告刻

石祠堂記

鄉後進王鳴盛撰

文正范公之高祖唐麗水縣丞諱隋告身一通懿  
宗咸通二年六月官將仕郎權知幽州良鄉縣主  
簿所得也范氏後人屢經失得而今仍歸世守自  
咸通二年辛巳至今壬子凡九百三十有二年緡  
素無恙字畫完好亦奇矣新唐書宰相世系表范  
氏宰相一人履冰相武后子冬芬宣州刺史此下

間九格有裔孫隋麗水丞蓋麗水公爲諱履冰之  
十一世孫也名曰隋者此字自隋人去是唐沿襲  
用之而公遂以爲名今絹本與世系表作隋甚分  
明可據非有誤也官爲主簿而得柱國勳者唐官  
制有四一文武職事官二文武散官三爵四勳職  
事官官也散官階也官有一定品級而階則或以  
恩澤加之或以資序加之勳則以著有勞績得之  
皆與官不必相應而勳最爲無定澤王府主簿梁  
府君榮德縣丞梁師亮皆上柱國勳則麗水之得

柱國勲不足爲異矣千年舊蹟古色蒼然誠若有  
神物護持者裔孫芝巖太史來宗將刻石於遷吳  
始祖祠內得敬觀墨本仰先賢之遺澤欽世德之  
延長不勝嘆美欣慕之至

忠宣公僕射告刻石記

嘉定錢大昕撰

范忠宣公除右僕射告乾隆甲寅六月敬觀於公  
裔孫芝巖編修家前爲學士院制詞次門下錄黃  
次尙書奉行前後鈐用尙書吏部印凡數十處蓋  
告出於吏部也其云右僕射兼門下侍郎大防者  
呂微仲也給事中臨者顧子敦也尙書左丞摯者  
劉莘老也尙書右丞存者王正仲也吏部尙書頌  
者蘇子容也吏部侍郎覺者孫莘老也次雲不見

於宋史以李仁甫長編考之蓋吏部郎中彭次雲  
也是時忠宣由西府進登右相寄祿官自中大夫  
遷太中封自高平縣伯轉郡侯食邑實封遞有增  
加惟勲至上柱國無可更加故制詞有餘如故之  
語至章服三品以上服紫五品以上服緋皆以散  
官爲準未及品而任要職則有賜此唐宋相沿之  
例中大夫止五品太中大夫從四品皆非三品乃  
此制前稱賜紫金魚袋及拜相則無賜紫之文者  
元豐新制以散官寄祿太中大夫以上卽得服紫

故也告中食邑食實封戶數與制詞異者蓋併初  
封之戶計之唐時食實封者依戶數給縑帛宋則  
實封亦無別給而結銜猶用壹貳參五等字沿唐  
故事聊以示區別耳自元祐戊辰迄今七百六十  
有七載而絹素完善印識如新豈非忠孝淳厚之  
報哉

大昕初讀此制頗疑文筆似大蘇後檢東坡  
內制集果載此文且同時呂申公汲公兩制  
亦皆東坡行詞而任參政跋以爲文定攷子

由入翰林在元祐四年六月而忠宣大拜乃  
在前一年樂城集亦無此文其非文定所作  
明甚細驗任跋定字亦有洗改之跡當是紙  
墨剞敝裝潢者以意補足希夷南宋人係蜀  
道士不應有誤也因芝巖欲勒石祠內再題於  
紫陽書院之春風亭

嘉慶七年歲次壬戌十月八日

有卷五等字

高義園墨寶刻石序

文正書院主奉前史官來宗撰

皇祐三年冬運使度支蘇才翁求文正公書以爲  
珍藏公書伯夷頌小楷寄之後黃山谷云范文正  
書落筆痛快沉着極得晉宋人意時公年已六十  
有三而謹嚴不苟如此一時如文富晏杜四賢相  
跋於前忠宣恭獻二象賢跋於次而君謨才翁皆  
臨池老手其跋益可寶愛至秦繆醜欲與韓范論  
心見者失笑厥後二百年間跋者愈多賈秋壑亦



有題名宋亡北流於燕逸齋李侯戡爲侍郎得之  
大德戊戌自都轉運移守吳郡謁公祠舉此卷以  
歸主奉邦瑞甚盛德也迨及有明主奉惟立不能  
守入王弇州質庫不取價而歸還萬歷庚戌又落  
拾遺手雲間貳守朱公勲追獲交付什襲其失也  
一而再幸而不失者亦危矣 本朝乾隆乙酉庚

子甲辰三屆 南巡是卷陳設高義園三蒙

御題後裔敬謹領回此墨寶之失而復得終荷

天章寵錫仰 宸翰高華爲千古未有之遭也因

乞觀者衆不能屢出墨本相示欲刻石以垂示無窮查宋末主奉曾以摹本刻於莊跋至宋而止今其石尙存元時有石刻在建業玉麟堂不知出誰手後歸何地亦無考余乾隆己酉請養歸田經理義澤積有公餘爰出墨寶雙鈎勒石全行刻竣分爲四冊石貯文正祠太師堂西夾室以之流傳海內布示藝林洵煌煌乎鉅觀也爲誌其始末如此以備金石錄之掌故云

嘉慶八年歲次癸亥八月下澣

創立三太師墓門圍牆記

文正書院主奉前史官來宗撰

吾宗世爲幽州人唐柱國麗水府君始遷於吳建  
歲寒堂以居卒葬天平山麓劔沙印石山水奇秀  
實鍾靈而生文正焉貴顯後葬其曾祖父一贈太  
師徐國公墓在天平之右楓木鳴二贈太師唐國  
公三贈太師周國公兩墓相望在天平西南詔山  
之北俗所稱三太師墳是也距白雲寺丙舍稍隔  
耳目難週故柱國墳松楸蒼鬱不受斧斤近而易

保也太師墳則踐踏荒蕪僅留大楓楊三四本爲  
之蔭庇識認而已祇緣地廣而無藩籬之衛人遠  
而未專設之防牧豎往來樵夫出入不淪於荒煙  
蔓草者幾希矣雍正初掌莊者有志修葺惟於墓  
前增立穹碑大書某朝大師某國公墓而已而於  
十年樹木看守保護之方概未之及無怪乎凋零  
日甚也余春秋祭掃跪拜其間心竊懼焉爰進義  
莊諸職事而籌之鳩工聚料四圍周築石牆加厚  
塚土培高羅城創建墓門開闢甬道平時無事加

以鎖鑰然後樹松栽栢免旦旦之伐責成墳丁守  
護可計日而成林也夫有宋一代陵寢無地種冬  
青者何限況下而世家大族乎我范氏數百年後  
祖墓猶存不獨爲吳中佳城第一卽海內堪輿家  
無不首爲屈指子孫可不思貽庥綿遠世守維艱  
哉爰書其事傳示將來俾後之人繼長增高喬木  
凌雲封塋若斧無怠無廢是猶余之志也

嘉慶二十一年歲次丙子穀雨節書於洽園

歷傳主奉題名記

宋度宗咸淳十年起

有功過者分注其下

主奉者何宗子也以承奉祭祀統率族眾遴選執事總理義莊貴顯不敢越輩行不敢序公舉文正長房監簿之後居多所以重宗子也

宋一傳士夔

右丞房

統族二年

太守潛說友舉為主奉之始

二傳邦瑞

監簿房

山長統族四十二年

重建忠烈廟創

立天平

義學

元三傳國雋

監簿房

山長統族十三年

四傳文英

監簿房

山長統族二十年

遣子清理洛陽文正墓田

五傳廷珍監簿房

鄉飲賓統族三十三年

明六傳廷采監簿房

統族九年失察主計范厚欠糧没入田二千畝

七傳天倪監簿房

統族二十四年

八傳元紹監簿房

徵士統族八年典賣義田三百畝未贖

九傳元理監簿房

統族四十四年呈請况太守清查出義田

一千三百畝造砧基簿鈐府印世守

十傳從珪 統族三十九年

十一傳汝與 舉人統族二十年

十二傳啓义 統族二十二年 敗壞斥革

十三傳允俊 房監簿

歲貢生統族二年

十四傳友勝 房忠宣

庠生統族三年

十五傳惟立 房監簿

御醫銜統族三十八年

十六傳允恒 房監簿

監生統族十三年退

十七傳允觀 房監簿

監生統族八年 代償莊浦  
清理義澤

十八傳允節 房監簿

統族二年

十九傳可陟 房忠宣

庠生統一年

二十傳彌章 房儒林

統族一年退

二十一傳必溶 房監簿

監生統族十八年



二十二傳必模房監簿

庠生統族七年

二十三傳安柱房儒林

舉人統族十一年增修家乘

三十卷補  
缺正訛

本朝 二十四傳君衡房右丞

統族二年

二十五傳能綏房監簿

庠生統族二年昏睡糜費

二十六傳安鼎房儒林

庠生統族九年

二十七傳安恭房忠宣

祀生統族九年敗壞斥革

二十八傳必英房監簿

保舉宏博 欽賜翰林

院檢討統族二十四年修舉廢墜克振遺規

二十九傳能濟房監簿

副榜統族二十三年退

三十傳興禾房監簿

監生統族二十九年老成服衆

三十一傳興穀房監簿

保舉授會昌縣知縣統族

四月

三十二傳興本房監簿

統族四年

三十三傳儀照房監簿

統族十三年退

三十四傳儀投房監簿

監生統族二十年

三十五傳儀炳房監簿

庠生統族五年著有勞績

三十六傳儀烱房監簿

統族八年墨寶被焚引咎退

三十七傳來宗房監簿

乾隆乙未進士翰林院

編修統族二十三年

增置義田一千八百餘畝  
增造結基簿

三十八傳學華房監簿

署松江府學候補訓導

統族一年外

三十九傳德瑑房監簿

監生統族

水源木本祠

吾范氏起自唐相

諱

履冰之後世居幽州咸通十

一年一支渡江爲處州麗水縣丞

諱

隋中原亂離

不克歸子孫爲中吳人至宋篤生文正皇祐中出

守錢塘遂過姑蘇與宗族會舊譜散失爰取族中

誥書家集考之自文正推而上至麗水公爲四世

祖再推而上至平章公爲十世祖至十世以上則

不可考然得姓受氏尙能溯所自出此水源木本

祠所由建也祠內供奉神位三一日得姓之祖周

晉中軍太傅武子公諱士會也公爲晉上卿食采

於范遂以爲氏左傳載晉主夏盟爲范氏者是吾

宗之范由此出是得姓之祖不可祧也二曰系出

之祖漢清詔使孟博公諱滂也公爲清詔使以黨

人名著於漢末唐史表載麗水公諱隋下注系出

漢清詔使後此系出之祖不可沒也三曰挂線之

祖卽唐丞相平章公諱履冰也公爲武后時相文

正公重修家乘自其挂線起迄今三年絲毫不紊

此挂線之祖不可誣也以上三祖皆信而有徵非

同附會春秋家祭洋洋如在靈爽實式憑焉他若

周越國上大夫少伯公

諱

蠡晉武興侯元平公

諱

汪晉豫章太守武子公

諱

甯在文正之前雖附見

於遠宗傳然宗實不宗遠之又遠向亦列於水源  
木本祠諂瀆實甚今釐正祀典悉從裁撤豫章太  
守武子公會列於官祭茲確指其附會呈縣存案  
裁撤庶後世不復淆混矣

嘉慶二十一年八月文正書院主奉來宗記

宸翰樓記

乾隆十六年春二月

高宗純皇帝舉巡方之典迨四十九年六巡江浙  
義莊辦吳中支硎天平寒山千尺雪 大差

賜匾對書畫共領墨寶二十四件謹藏天平山之  
宸翰樓若墨本收回未領藏者刻山石上四首刻  
碑石九首刻挂屏四首又搨本無墨本者共  
三卷亦藏於樓以便歲時恭閱云

南巡第一次 乾隆辛未

賜文正祠匾 學醇業廣

賜天平山匾 高義園

賜千尺雪匾 首玉峽飛流

賦前林紫墨本 眺聽清機

賜千尺雪對共幽室數楹聊不俗清機片晌恰宜

蘇蘇繼吳閒

賜寒泉對 峰含畫意似懸軸澗有琴音不藉

蘇劉十六桐春二氏

賜天平山文正祠五言律詩

文正本蘇人起



賜高義園五言古詩 紆磴下靈巖起

賜白雲泉七言絕句 雲包白石石包泉起

賜金扇一柄 一面七言古詩 起一面五言古詩 支硎一帶連寒山雪宜落天上起

畫梅一枝

以上俱墨本

賜支硎山五言古詩 馬首見支硎起

七言絕句 支硎占斷古臨硎起

以上俱刻山石上無墨本

南巡二次 乾隆丁丑

賜支硎山佛殿對

華海慧舟聲聞昭善應蓮臺

香界願力普慈緣

賜寒泉七言絕句

無泉不寒此擅獨起

賜寒山七言古詩

寒山卽是支硎山起

賜千尺雪五言雜咏

名園依別墅起

賜聽雪閣五言古詩

飛魚于雲中起

一橫披  
一單條

賜天平山五言排律

吳會衆山鎮起

賜高義園五言古詩

磴道下靈巖起

賜白雲泉七言絕句

昔年少傅此題泉起

以上俱墨本

南巡三次 乾隆壬午寒山千尺雪歸官辦

賜支硎寺匾 道風神駿

賜支硎山七言律詩 棗葉須彌沒義尋起

賜高義園五言律詩 萬笏天平翠起

以上俱墨本

賜寒泉五言古詩 曲折盤山徑起 刻山石上

賜白雲泉七言絕句 白雲泉是自家泉起 一刻山石

上一刻  
碑上

以上無墨本

南巡四次 乾隆乙酉

賜支硎山匾 暖翠春泉

賜支硎山七言律詩 依舊青山與白泉起

以上俱墨本

賜支公庵五言律詩 支遁何曾遁起

賜白雲泉七言絕句 山腰清泚噴靈泉起

以上俱刻碑無墨本

賜搨本冰嬉賦生秋詩一卷 心經一卷 塔圖

一卷 三希文翰一部 向存承志堂

南巡五次 乾隆庚子

賜支硎山七言絕句 支硎山復經蕭寺起

賜天平山五言律詩 七百餘年地起

賜白雲泉七言絕句 白雲復此俯巖泉起

以上俱刻碑無墨本

賜支硎山七言律詩 未改山腰石脚泉起

賜高義園七言律詩 駐蹕靈巖有餘暇起

以上俱刻挂屏無墨本

南巡六次

乾隆甲辰

賜支硎山七言絕句

山光樹色無今古起

賜高義園五言律詩

名園弗一足起

賜白雲泉七言絕句

香山昔日對流泉起

以上俱刻碑無墨本

賜支硎山七言律詩

增山趣固以山泉起

賜高義園五言律詩

山北天平路起

以上俱刻挂屏無墨本

翰林院編修

臣

范來宗恭紀

御題高義園恭記

南巡盛典始於乾隆十六年辛未春允臣民之請

法

祖省方凡山水名勝所在發帑修葺吳中天平山列

於名勝在郡城西南視元墓穹窿爲近與寒

山花山靈巖山毗連山半有白雲泉見白傳

詩龍門雙峙鳥道中通大石秀立甲於諸山

山之左先

臣

范仲淹祖墓在焉先是唐懿宗

年麗水丞范隋始遷吳葬此四傳至宋而仲

淹貴顯例置墳寺向有白雲庵奏改庵爲寺  
以奉功德香火寺左建忠烈廟羌人祀小范  
老子延州所賜名南渡後失秦隴改建是山  
官司致祭由來久矣前明世孫允臨滇南致  
仕歸旁墓築室疏池沼置亭臺有寤言堂芝  
房桃花澗宛轉橋聽鶯閣諸勝及後城居增  
咒鉢庵度僧守之春秋佳日士女如雲咸游  
范墳猶未以園稱也乾隆十五年先期籌辦  
工程取費義莊不領工帑相度山麓正中平



陽地有連理大荆樹立於旁右爲沙堤前臨  
方沼創闢

宮門入門由甬道進大樓北厯級而升卽雲中書  
院故址靠山面南巍煥宏敞建造

行宮東西分列朝房規模聿備  
翠華來臨先至白雲寺瞻禮佛像出寺輿行折轉  
望東四十步自下而上登

寶座四山耀日萬笏朝天賦詩作畫大書高義園  
三字匾額再至雲泉晶舍賞辦差子孫原任

山西大同府知府革職范瑤給復原銜子孫  
跪獻詩冊 賞貂緞自此後六屆無不恭逢  
臨幸誠曠古難得之盛典也夫園之錫名者多矣  
廣陵有倚虹園淨香園海寧有安瀾園錫山  
有寄暢園而獨此以高義名園不以物不以  
景殆以其人也伏讀

御製詩云萬笏天平翠名園有范家但看題兩字  
早覺勝其他顧名思義可不念祖德之由來  
乎臣舞象之年隨父老迎

鑿末瞻拜車塵及今解組歸田徘徊邱壘經理山

園重觀

宸翰高懸星輝雲爛恍如六十年前初賜時所見  
而自顧犬馬之齒已八十矣補記

恩榮鐫之于石以示雲初云

嘉慶丙子在籍翰林院編修臣范來宗恭記

增置義田記

宋皇祐元年 文正公置義田千畝吳中宗族九十口以之贍族沛然有餘錢公輔記可考也相傳忠宣以下續置至四千畝設掌莊二人咸淳十年太守潛公說友選嫡裔士夔爲主奉以統率族衆裁去掌莊主奉之名自此始至主奉下有職事設提管主計自第二傳主奉邦瑞始設典籍自明主奉元理始俱主奉於族中選用給以酬勞米而主計獨掌銀錢最重洪武七年主計范厚誤糧田沒

入官二千畝宣德七年巡撫周文襄公忱郡守況  
公鍾清查出一千三百餘畝爲造砧基簿鈐府印  
世守猶不免湮沒實存一千二百畝迨主奉啓乂  
安恭先後敗壞贍族全廢天啓五年參議公允臨  
助田千畝定發給七斗規制 本朝雍正七年漁  
莊公彌勲遺命助田千畝另號廣義莊獨備修祠  
久而裁併老莊發給然七斗外未有加也 宗於乾  
隆五十四年告終養回知義莊經費不敷不能贍  
族不肖子孫徃徃滋事紛爭并有佔據莊房租息

無着者宗於六十年乙卯出而主祀因

與職事等節省漸次清理歲稔得有贏餘自嘉

紀元迄今增置絕產田一千八百餘畝置市房萬

金又生息銀萬金以防田之荒歉宗總其要主計

章晟賢勞獨多族丁一千五十餘口照舊規加給

三斗共成一石優老助貧喪葬諸項均爲倍加不

肖斂跡紛爭止息焉客問曰昔參議僉事滇南祿

賜優厚漁莊效法陶朱家貲富饒睦族敦宗其力

皆易子冰署清寒林泉早退義莊經費有定所入

但供所出大稔之年或稍畱餘歉歲掣肘束手自  
七百餘年以來未有擴舊增新若是者子究操何  
術歟宗曰凡可盡者人事也不可  
知者天事也主  
奉董率以絕弊職事協力而無私此可盡之人事  
也前之助田近取家中今之增田經營額外此不可  
知之天事也自問非有點金之術敢貪天以爲功耶  
客曰有是哉人而歸功於天得聞所未聞矣子盍記  
之因造新田冊按歷世義莊盛衰大略書於冊首云  
嘉慶二十一年丙子秋文正書院主奉來宗撰

重修洛陽文正公墓記

始祖文正公墓在河南府洛陽縣彭婆鎮之萬安山配李夫人耐其東北百餘步爲公母謝太夫人穴子監簿公耐墓之西北忠宣公恭獻公侍郎公並葬焉旁有敕賜墓地八百餘畝自宋南渡子孫復歸吳郡而洛陽墓祭掃時闕地間被侵元至大至正間裔孫國雋廷方廷采等先後往省自於當事得歸侵地明宏治中豫撫徐公恪以守墓乏人檄令吳中裔孫居守郎中房昌期應命往迄今子



孫繁衍廬墓而處者三百餘丁蓋已三百八十年  
于茲矣先大夫自乾隆乙卯主祀義莊整理一切  
嘗謂華曰吾先文正公以上四世墳墓近在天平  
山春秋展謁惟公墓迢隔不克祭掃盡禮實有憾  
焉時監簿房裔孫德璫久館洛陽丁丑春特回吳  
告曰墓西溝水衝突漸次沿墓恐被損守墓子孫  
務農者多墓田僅供饗祀急圖所以修葺之先大  
夫悚然曰某之責也事將舉忽疾作辭世然病革  
時猶執華手諄諄諭曰吾自知洛陽墓圯廢寢食

者數日吾設不起爾其善承我志華泣而受命戊寅春族人推華繼主祀事爰屬從叔來恂從兄學錦往度工程溝深四丈面闊五丈底闊一丈五尺北首淺狹而小南首闊深而大爰議于溝北上流築石并墊平溝道另濬新溝遶西至墳門會流而下以保永固今年春從叔乃偕弟學庭持貲往并致書族曾叔祖德璫協同修理擇四月二十一日興工閱五月歲事墓旁饗堂亦經重葺共費白鏹一千四百餘金嗚呼吾先文正公抱先憂後樂之

志爲宋代第一人物八百年來得以永保松楸孰  
非公之靈爽所憑昭垂奕禩歷年遠而勿替也先  
大夫修墓之舉未獲如願華不敢不仰承先志然  
尤賴諸執事相與以有成也工旣竣爰謹誌其巔  
末云  
嘉慶二十四年歲次己卯吉月監簿房二十五世  
孫前署松江府學教授義莊主奉華謹撰

芝巖公祠記

我族凡子孫能扶持義澤功績丕著者例得祠祀之報芝巖公主祀二十三載與執事等經營樽節置產增田祖澤式昭族姓利賴厥功懋焉庚辰歲允伊孫端夫等之請卽諸賢祠舊屋修整安位芳谷公友恭素著贊勳有功亦允配祀蓋所以勵後賢崇祀典而亦卽爲我族報功計也以後闔族在莊著有功業者除少參漁莊兩支另有專祠外均得於祠內配享然不得濫予亦不得越芝巖公之

上以昭公允焉

嘉慶二十五年歲次庚辰文正書院主奉德瑒記

...

谷公文恭素馨管懷律也...

父母冠繼夫...

置室曾用...

之歸...

...

...

西溪三賢堂記

明張文撰

大賢君子出爲世用也未嘗不以膏澤斯民勛業  
當代爲己任然志有在焉而力或不逮則能相其  
力而成其志者斯亦大賢君子之徒與宋有天下  
三百年川嶽所鍾奇才疊出而議者則以范文正  
公爲稱首觀其言曰士當先天下之憂而憂後天  
下之樂而樂此其立志之高固與一世同其休戚  
而凡所以膏澤斯民勛業當代者豈故誇世而要

譽也耶仁宗天聖初公監泰州西溪鹽倉時海堰  
久廢民苦潮汐良田不可耕稼公與書白發運副  
使張綸綸奏上以公知興化縣用董修築之役會  
大雨雪波濤洶湧役夫散走旋濘而死者百餘人  
於是羣相譁言以爲堰不可成朝廷遣中使按之  
將罷其役又詔轉運使胡令儀同公度其可否而  
令儀嘗宰海陵熟知潮患於是力主公議而不可  
奪未幾公以憂去綸表請身自董役踰年堰成民  
卒享其利夫海潮之爲斯患前此之爲守宰者凡

歷幾人而公以鹽職之卑了不相係乃獨身任其責而昔之所謂先憂後樂者言豈妄乎哉當是時有欲爲之志而無可爲之柄不有張公爲之薦達欲圖斯役難矣役事方殷議欲中輟不有胡公爲之主張又安望其成功哉范公倡之二公和之蓋皆有功於斯堰有惠於吾民報本追遠百世自不可忘者此三賢堂所以建也歷代旣邈堂不可復存巡宰關右李君誠來蒞茲土慨然有重新之志乃按故址而經營焉中作一堂十有七尺廣長稱



之外繚以垣東西南北五十餘丈樸而不華完而  
孔固肇工於天順辛巳仲夏落成於明年孟春李  
君不鄙予請文諸石以紀歲月予惟三君子之深  
仁霈澤灌漑民心與海波不息仰高山而遵景行  
者蓋不多見也君能新其廟貌表厥勛德以垂示  
將來其中之所存固異乎人矣且聞君嘗白州司  
修繕運鹽河隄百餘里殆聞范公之風而興起者  
與范公築堰時有張胡二公贊其成而李君之所  
未成尚有望於後之君子焉并記以俟

小海范文正公祠堂記

明盧楫撰

予奉敕提督兩淮鹽課寓揚州明年二月九日出  
按小海草堰二場皆泰州分司所隸者有監生宗  
部宗節生員盧本宗邾朱軌唐滿謁予曰兩淮運  
司三分司三十鹽場皆臨海民竈雜居東有范公  
隄宋文正范公於天聖間宰興化因民苦海潮泛  
漲爲之築隄以捍而民害去凡屋廬以居耕稼以  
食桑麻以衣至今賴之然今之遺德在民感而建

祠所以致崇報意也年久兵火十存其一舊址在  
草堰者狹溢小海場東坦平高曠足以繼妥侑之  
忱顧材用之備僅三分之一餘則力不能爲矣若  
成而廣之竊有所厚望焉予嘉其義舉且關風化  
付運使胡軒區畫仍委判官聞人韶督同小海大  
使王鐸相地集材經始於六月甲寅落成於七月  
甲午諸生復進曰是役也人心樂從材用易舉蓋  
有不期然而然者請刻石以紀始末夫文正公築  
隄捍海爲當世之民也安居奠業於數百載之下

感之者尙如此則在當時者又何如邪是知士之  
遭際於時心之存者不正學之得者不純間有純  
且正者行之於身而措之於事不力且堅則一事  
之偶合於理而他事多乖貧窮或能講論而富貴  
則易處常或易爲而遇變則改其節見利趨見害  
避若此可望其樹功當時遺澤後世來入心之感  
乎我范文正公窮居益自刻苦有先憂後樂之志  
大通六經本聖賢仁義之說未遇時心正學純所  
以在興化而決意作隄居臺諫而爭執充待制而

抗相經略邊方而西羌畏條對大廷而忠亮存常  
變窮達間不顧利害皆由於心心學純故見之設  
施而力且堅此其所以久大之功業著於後世致  
人心之感自有不容已也今之感捍海之恩者特  
一隅之祀耳噫祠宇旣成丹堊旣飾公之像儼然  
如在諸生崇報之忱遂而貧夫懦子過此以晉謁  
瞻公之遺像追公之往事未必不生景慕淬勵之  
心以自興起也夫豈斯日斯人之私邪是爲記

重修西溪三賢祠記

明胃政撰

秦州治北百二十里而遠有鎮曰西溪三賢祠在焉所以祀文正范公轉運使胡公令儀發運使張公綸也三公者當宋天聖中嘗修築海堰堰成而民患除患除而民食足食足而民性復故立祠以祀之夫自天聖迄今凡五百年而祠巋然存者豈必材之良匠之巧哉記曰能禦大災則祀之能捍大患則祀之然則西溪之民之祀三賢禮也禮固

百世不可廢也正德壬申春朱侍御冠奉天子命  
來理兩淮鹽政行部至祠下出公稟易牲醴爲文  
以祭禮成顧瞻祠宇喟然興歎諭分司謝公貴曰  
文正功業著當時文章垂後世爲有宋人物第一  
胡張二公能與文正協力以成大功則其心之正  
大才之有爲可知矣是皆吾人所景仰而尊崇之  
者也其浩然之氣流行於宇宙永永不息況其精  
神心術之所在如捍海堰者其神豈不眷眷於此  
哉祠之廢壞若此其何以妥往哲之神靈而啟後

人之瞻仰修復之責其在吾與子矣分司承諭不  
欲損民財勞民力乃節縮冗費以其羨餘購財陶  
瓦伐木集羣工撤舊而新之凡再閱月朽者堅缺  
者完仆者立漫漶者治規制加於昔矣植桂木於  
隙地表其節也蒔名花於中庭馨其德也西溪之  
民樂之從而歌曰惟茲堰之成兮惟三公之賢我  
黍旣茂兮我食斯全作廟以祀兮匪禮之愆何雨  
淫而風虐兮碑旣壞而將顛茲旣葺而孔固兮樂  
奔走於年年分司知民之樂也於訖工之晨躬率



僚吏及民之耆老以告其成且謂成之歲月不可  
不記諸石而以屬予予何人也而敢記三公之祠  
必有大手筆如范公子陵記之膾炙人口古今傳  
誦而後可予何人也而敢記三公之祠辭不獲遂  
爲次第其事以復若夫成堰顛末鄉先達張憲副  
文記之詳矣茲故略之侍御河南固始人分司江  
西新淦人政之可記者此特其一云

文正與尹師魯帖碑記

二劄向載家乘墨本藏宗子處康熙年朱中丞牧仲借觀先世手澤八種以此卷與道服贊爲贗本乾隆六十年正月宗子儀炯家火盡燬燼嘉慶六年張甥蒔塘宰餘杭有挾二劄求售者一見知爲高平故物得之珍藏今年解組歸舉而還之吾家噫從前不知何時失去亦未知贗本起於何人乃贗燬而真出豈非有神物護持耶蒔塘政成勇退篤尚風義是又未可多得也

嘉慶庚午六月小暑節來宗敬誌

來宗敬

自